

Lombo: Bible for Matthew

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

- Share — copy and redistribute the material in any medium or format.
- Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

- Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.
- ShareAlike — If you remix, transform, or build upon the material, you must distribute your contributions under the same license as the original.
- No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Matthew

Chapter 1

¹ Feto iya Yesu Kilisito, wanw aya Dawidi, wana a Balayama. ² Abalayamma akabota Isaka, Isaka akabota Yakobo, Yakobo akabota Yuda la banduku binde, ³ Yuda akabota la Tamala Pelese; la Shela; Pelese akabota Esolona; Esolona akabota Lama; ⁴ Lama akabota Aminadaba; Abinadaba akabota Nasona; Nasona akabota Salamona; ⁵ Salamona akabota Boasha la Laba; Basha akabota Obede la Luta, ⁶ Obede akabota Yese; Yese akabota Dawidi: bokota Dawidi akabota Solomo kola boali aya Uliya; ⁷ Solomo akabota Labama, Labama akabota Abiya; Abiya akabota Asa; ⁸ Asa akabota Yosapata; Yosafata akabota Yotama; yoatama akabota Aasha; ⁹ Aasha akabota Esikiya; Esikiya akabota

¹¹ Yosiya akabota Yekoniya la banduku binde, ta mbile ee bokowa ta Babilona. ¹² Mbisa i bokowa ta Bbilona, Yekoniya akabota Salatiele; Salatiele akabo ta Shelubele; ¹³ Shelubabela akabota Abiuba; Abiuba akabota Eliyakima; Eliyakima akabota Ashula; ¹⁴ Ashula akabota Sadoka; Sadoka akabota Akima; Akima akabota Eleyuda; ¹⁵ Eluyada akabota Eleasha; Eleasha akabota Matana; Matana akabota Yakobo; ¹⁶ Yakobo akabota Yosefu; Yosefu akabota bolome aya Maliya; kola yamo ikabotomo Yesu; ono bakata ye mbo Kilisito. ¹⁷ Itotina imbe fetcho liou la inati koakola ambe Abalayama tii ko ambe Dawidi; fetcho liou la inati koakola ambe Dawidi tii kota boko ¹⁸ Enaka enikanda ekomaka libotomu liya Yesu Kilisito. Maliya inango inde, ono asamomoko la Yosefu, akamba la leime, ta bofoka bo Bolimo Botanu, felo mbo bangale eseke lomo. ¹⁹ Yosefu, bolomé inde akamba buto bolo la aikamba la yeme iokesa ye lokuku, akamba la lienyeli liotika ye ta wisakumbo. ²⁰ Mbile ekamba ye la bo baenyeli, tene, bokitomo boya Ngene akaenena linde ta saki, la akabeka linde mbo: Yosefu, wana aya Dawidi, oibangaka oosa Maliya, boali ao, loka lao atobota wana ta yeme i Bolimo Botanu; ²¹ Atobota wana botolome, la batota ye lina liko mbo Yesu; ee ndjo ambouwisa bato binde ta bobe wibo. ²² Itotina yoko itokoma loka loenganisa leke Ngene abekakala Bonangoli; ²³ tene, boseka atomba la lieme, la atobota wana botolome, la batota ye lina liko mbo Emanuele, litina mbo Mungu ambesu. ²⁴ Ekalingoaka ye ta ilo, akakela ani kee ani bokitomo boya Ngene abekelaka ye, laakaosa boali inde. ²⁵ Aiti ngala koni linde eseke lomo tii kata mbile ebotomoko wana botolome, akata ye lina mbo Yesu.

Chapter 2

¹ Yesu abotomoko ta Beteleme eya Yuda, ta basiyo baya bokota Elode; Tene, baito baweli bafoka ta botomwelo bo mbile, bakakoma ta Yelusaleme, bo mbo: ² Ono akabotomo ambe endei bokota bo Bayuda? Loka tofoena ilonge inde ta botomwelobo mbile, toya oyasuluwa felo inde. ³ Ekaokaka bokota Elode ongoma, akatomboka ta botema winde la baito batotina ba Yelusaleme. ⁴ Akatoamanisa Bakanga la Baandiki ba bikela, la baito, akaiyola- bo lamba Kilisito atobotomo endei. ⁵ Bakabeka linde mbo, ta Betelme eya Yuda. Bonangoli akasonaka mbo, ⁶ Owe Beteleme boki bo Yuda, oiti boke katikati ii bangene ba Yuda. Ngene a wenda atotomowa ambowe ono atokuka bofindi wange, Yisalaele. ⁷ Kolaongoma, Elode akata baito baweli ta wisakumbo, akaiyola bo lamba ilonge iyenene ta enimbile. ⁸ Akatoma- bo ta Beteleme, ye mbo, Kakai la lingakai iniyo iniyo loka lo wana, yombambo otoanyai- ye, yokoi oyabeisei loye oyakuamela ye. ⁹ Mbisa iyoka bokota, bakaaka. La tene, ilonge yeke baenaka ta botomoelo bo mbile, ekakenda felo ibo tii kani emalaka yo ta eske lombaka wana. ¹⁰ Ekaenaka-bo ilonge, bakaomala la liomali likama. ¹¹ Bakaota ta mbele la bakaena wana eseke lomoi la Maliya, inango inde. Bakasuluwa la bakatukumala ye; bakalikola batanga bibo, bakafa ye Baano, mbela la baningo ba liesa lilo. ¹² Ndjo bakabeisomo ta saki mbo baibinoaka ale ambe Elode; kolaongoma bakaaka ta wenda wibo la ndole esiya. ¹³ Ekaaka bo, Bokitomo boya Ngene akaenamana la Yosefu ta saki, ye mbo emalaka, osaka wana la inango inde la kimbiakai ta Egitipo; umoakai elo, kota anilotobeka lino.

¹⁵ Akangala elo tii kota lingba liya Elode loka lobeko leke lokafowa ambe Ngene liyenganisomo, kanda emoi ani ekasona Bonangoli mbo, Lotee wana ange ofowa ta Egitipo. ¹⁶ Ekaenaka Elode mbo baito ba weli baokitaka ye, akakuma la lisomi la akatoma la akaita bana batolome batotina ba Beteleme la fangi la fangi beke bambaka la miaka yele ko sekala, otutana la lisangi lieke lioshaka ye ambe baito ba weli. ¹⁷ Ndjo lobeko lobekaka bonangoli Yilimiya likaenganisomo mbo, ¹⁸ Limiki lifokana ta Lama, limami la bileli likama. Laele atolela bana binde aitolanga ango mbo bafeye bofoka loka baiti ale. ¹⁹ Ekangbaka Elode, tene Bokitomo boya Ngene akaenamana ta saki ambe Yosefu ta Egitipo, ²⁰ Akabeka mbo, Emalaka, la osaka wana la inango inde kaaka ta boki bo Yisalaele. Loka beke bambaka batolinga liwawi liya Wana baosila ongba. ²¹ Akaemala, akaosa wana la inango la bakaota ta boki bo Yisalaele. ²² Ndjo ta mbile eokaka ye Alukelao ambe bokota likolo li Yuda ta esekeloya Ise inde, Elode, akabanga oka elo. Ekabeisomo ye ta saki, akaka fangi e Galilaya, ²³ La akangala ta boki bokatomo mbo Nasaleta. Kolaongoma, lobeko lobekaka Bonangoli lokaenganisomo mbo, Atotomo Bonasila.

Chapter 3

¹ Ta mbile eyaka Yoani bolufi, atona ngola ta liombe li Yudea. ² Aka beka; kikoisakai betema, kembo bokota bo likolo boomba tina. ³ Yoani ono ebekaka Yaseya, bonangoli, ani ebekakae; eke imbe limiki li ono ato mama ta liombe, ato komia ndole eya Ngene la komanya ndole. ⁴ Yaoni ambaka la tulu ifuhu ikamela, la bokaba bo ofoka ta loteta. Ambaka atola kpalala la liabu. ⁵ Baito ba Yelusaleme, bototina ba Yudea la beki bototina bembe tina la Yaladene, ba kaka tina linde. ⁶ La baoka oka tomoisa mbeko ibe baka lufiomo ta libande li Yaladene. ⁷ La eka enakae ta lilufi linde linginda li Bafalisaya la be ba Sandoke, aka beisabo mbo; liboti lifele, ndai akoluwise enu okei botili ta lisomi ye litoya? ⁸ Enisakai ilo ili likalangani. ⁹ La oibekaka koangene mbo; tombe la Abalayama ke ise! Kembo imbe be batale be Mungu ambe la fofe eosela bo bana baya Abalayama. ¹⁰ Itotomo liboma ta batina ba tosandu isandu ye yeitobota tuma tolo ito tenomo la itotomo la itotomo ta imbe. ¹¹ Ei, loto lufia enu la baye, la loetise enu ta likalangani; ono atoya mbisa ambe la ofoka koetelei, ei loiti ango mbile eobata bilato binde, ye, atolufia enu la Bolimo otanu la imbe. ¹² Ambe la lokele ta bao binde, ato tanisa eseke losela tuma, ato fecha ngoto ta imbe yeiti la tunga. ¹³ La mbisa Yesu akaka ta Galilayi la ta Yaladene ambe Yoani olufiomo linde. ¹⁴ La Yoani aka feka, la lioi; ei ambe la yeme lo lufiomo lao la onyangeleyi! ¹⁵ Yesu akasanola; tikaka waka kanikani, kembo to enganise mbeko itotina ye ibekelomo la Yoani akamba ale la ofoka. ¹⁶ Mbisa iyo lufiomo, Yesu, akatomowa ta baye, la ongoma lobola loka likoamana, labolimo bo ya Mungu bokasuluwa ke noli ambee. ¹⁷ La ongoma enakai, lioi lika okana ta lobolo la baoli bakumo; ono ambe wana ange a otoma, ono losamiye.

Chapter 4

¹ La Yesu akatolomo la Bolimo ta liombe, loka mbo apimomo la satana. ² Mbisa iyokila bieka basio tuku-inati lowa la lotiyo, la akaoka semba. ³ Bopimi akaya tina linde, la akabeka: Yomba kembo ombe Wanaaya Mungu, esaka ishosha ta bee batale bakindowe bekati. ⁴ Yesu akamutoelae isonomu mbo: Buto aiyengani ouwa loka lo bokati, alakini la lio litotomoa ta bonoko boya Mungu. ⁵ Satana akatae ta boki bofi botanu, la akatae likolo li mbele mungu, la akabeka linde: ⁶ Imba mbo ombe Wana aya Mungu, kusamanaka ta nyele; La isonomu mbo: La atoesa ishosha ta ta bakeitomo baundowe la batotolowe ta bao bibo, la litina mbo likolo liao liei umanaka ta litale. ⁷ Yesu akamutoelae la akabeka: Isonomu: Aleko mbo: Yeiyengani mbo opima Ngene, Mungu ao. ⁸ Satana akailae lisiya ta longo likolo fafo, la akaenisae bekota betotina bi wenda la befoka bibo, ⁹ la akabeka linde: lotofoo mbeko ye itotina, imba mbo ototuliamelai'see la oto sombolei. ¹⁰ Yesu akabeka linde fowaka oko, Satana! Isonomu mbo: Oengani osombola Ngene, Mungu ao, la otokuelae engene. ¹¹ Kola ongoma, Satana akatikae. La bakitomo bakaya tina la Yesu, la bakakuelae. ¹² Yesu, akaoka mbo Yoani aokandomo, akaaka ta boki bo- Galilai. ¹³ Akatika Nasalete, la akangala ta Kapalanaumo, tina tina la libande lifi, ta boki boya zelubuna la Nefatali. ¹⁴ Loka loenganisa yeke ibekomoko ta ndole eya Bonangoli, Isaya: ¹⁵ Baito ba zelubuna la Nefatali tina tina la libande lifi ta boki oeta Yuludani, la Galilai la Beennda, ¹⁶ Baito be bangali ta lilima, bafoena liangange lifi, la bakambaka ta eseke le- lombe lingba liangange lifoemala. ¹⁷ Kota mbile amo Yesu aka'akola onangola, akabeka: Kikowakai, loka mbo Bokota bo likolo bo'omba tina. ¹⁸ Ekakendakae ta ngonge ee libande lifi li Galilai, akaena baito baele, Simona, ono batotae Petelo, la Andeleya, nduku inde, batokusa wengo ta libande lifi; Loka mbo bambaka baluwi. ¹⁹ Akabeka libo: Tutekeni, lotoselenu baluwi ba baito. ²⁰ Kota mbole amo, baka tika biongo bibo bakatutae. ²¹ Eka'akae esika libo, akaena baito basiya baele, Yakobo, wana aya Yebedai, la Yoani, nduku inde, bakambaka ta wato la Yebedai, ise ibo, batokomanya biengo bibo. ²² Akata bo lioi, bakatika wato la ise ibo, la mbisa bakatutae. ²³ Yesu akakenda ta Galilai, la aka'ekisa ta mbele imungu, laa onangola mboli itanu i bokota, la louwiso biale betotina la balewi batotina ta baito. ²⁴ Lokuku linde loka luamana ta Sulia etotina, la bakayelae la baito ba biale la bemusi ndike la ndike, belimo beebe, la seka, la bitukulu; La akauwisa bo. ²⁵ Linginda lifi likatutae, ta Galilai, la Dekapole, la Yelusaleme, la Yundeya, la tafangi ee Yaladene.

Chapter 5

¹ Akaena linginda, akalila ta longo; la, felo angale'se, baeki binde bakashusha ambe ye. ² La akalila bonoko, akekisa bo, la mbo: ³ Bolo ambe tobube ta liwawi, loka mbo bokota boliko bombe wibo! ⁴ Bolo ambe bakelewa, loka mbo bambo lendisomoko! ⁵ Bolo ambe bee ba bemusi, lokambo bambo oshaka botiko bo nyele! ⁶ Bolo ambe bee bambe la semba la lema lo liengani, loka mbo bambombaka la ishibi! ⁷ Bolo ambe bee batolela loka lo lo'oanyo ambe Mungu, loka mbo balaosha bolo boya Mungu wamo! ⁸ Bolo ambe bee bambe la botema botanisomu, loka mbo bamboenaka Mungu! ⁹ Bolo ambe bee basami lilatemi, loka mbo bambotomoko bana baya Mungu! ¹⁰ Bolo ambe bee baemali ta liengani, loka mbo bokota boya Mungu bombe wibo! ¹¹ Bolo bombe lino, loka mbo bakaobekilenu babekelomu babe lino ta befono bebe, loka lange. ¹² Omalakai la mbakai ta loimilo bomusi wamo, lokambo lolipomo lino lotomba lofi ta bose; loka eke ndjo tokaena batondoli bee amba felo ino. ¹³ Ombei bekpa be nyele. La bokpa boiti ale la bokale winde, langi ase ndjo bolaokanaka? Boimbomba leka ango mbo bokuso la lousa, la linginda ta bakolo binde la baito. ¹⁴ Ombe lieneni li wenda. Boki we boshomu ta longo baoimboisamaka; ¹⁵ la baimbo baanisa tala loka bate amo ta botelo mbao, kumbi batota ta bitelo bii faka, la mbele likulu amo komba la liangangi linde. ¹⁶ Tikaka mbo liangangi liao limbe felo ii baito, loka mbo baene bakuwa bao balo, la lokambo basimole Ise ao ono ambe ta buse. ¹⁷ Oiyenylakai mbo loye loka loseise ekela ao batondoli; loye ndjo tinga mbo loseiso, kanga ndjo loka lienganisomu. ¹⁸ Loka mbo lotobekile'nu ta wewe, ani bose la nyele yeimboetaka ango lisiyo, yeimboseselisaka ekela la mala emoi ao mala emoi ee ilenga ii lokasa, kota mbo itotina ikomomo. ¹⁹ Onoko ambo foyaka imoi ta tchwe toshosha tokikelike, la akafoekisa ta baito mbo bawe koongoma, bambotomo yana ikikelike ta bokota boya buse; ndjo ono atokuwa tcho, la yekoekisa baito lio likuweli, oko ambotomoko buto bofi ta bokota bo buse. ²⁰ Loka, lotobekalino, yomba mbo liengani liao lieitoeta lieye li basoni la lieye li Bafalusai, oimbo'ota ta bokota bo buse. ²¹ O'okeye yeke ikabekilomoko ambe bato'olo: Oimbo ita; ono amboitaka aengani loanyo etumbo ta basambisomu. ²² Ndjo ei, lo'obekile'nu mbo oni ono atomba la lisomi ambe nduku inde aengani loanyo etumbo ta basambisomu; ndjo ono atobeka ambe nduku inde:; la ono atombo bekaka: aengani omba la etumbo ta imbé ii gehena. ²³ Yomba mbo ofoesa makabo bao ta etumbelo, la oko oiyenylisaka mbo nduku ao ambe la leka lomoi lo liyani lao, ²⁴ tikaka elo makabo bao felo ii etumbelo, la kaaka koni okaokana la nduku ao; ndjo, yoko oyaenisa liano liao. ²⁵ Oshanakai la enu la boiyani lao, ta mbile ene ombe ta ndole enu linde, lobango loikesokowe ambe basambisi, la basambisi baikesokowe ambe bekota be leta, la oitomoko ta mbele ee likandjomu. ²⁶ Lotobeka lao ta wewe, oimbo foyomo elo ka'ani oitakalipa bakute basiya. ²⁷ O'okeye yeke ikabekomoko: Oimbowaka bosombo. ²⁸ Ndjo ei, lo'obeka lino mbo ono atomoila batali loka lo lomelelo ye soi aowa oko bosombo linde ta botema winde. ²⁹ Yomba mbo liso liao lilome limbe loka lao mbo lokesowe ta bobbe, foyaka lioyo la kusaka lioyo esika lao; loka ikafoanyamana lao mbo imoi ta betuku biao bo'ofya, la tikaka mbo bindo biao bitotina bieyi kusomoko ta gehena. ³⁰ La yomba mbo boo bolome wao bmbombe loka lao nole ee liseisomu, tenaka wo la kusaka wo esika lao; loka imbe bolo lao mbo butuku bomoi ta betuku bokaofya, la mbo bindo bitotina bie kaka ta gehena. ³¹ Ikabekomoko: Ono ato fafanisa boali inde lokuku lobe afeke ye lokasa lo liseani. ³² Ndjo ei, lotobeka lino ani kembo ono ato fafanisa boali inde la mboli ibe, sakolo ko loka litina libe, aomba aoya bosombo, la ono atosonga botaali akaotomo mbo aowa bosombo. ³³ O'okeye lisiya yeke ikabekomoko ambe batoolo: Oimbo lapaka ango, ndjo ombo owaka ambe Mung ta yeke okalengila ta oimilo. ³⁴ Ndjo ei, lo'obekele'nu mbo ndolapakai kobule-bule, ango loka lo lobola, lokambo imbe keka eya Mungu; ³⁵ ango loka lo nyele, lokambo imbe bikendelo binde; ango loka lo Yelusaleme, loka mbo imbe boki boya bokota bofi. ³⁶ Oilapaka ango ta litina li botchwe, lokambo oimbombaka bofufu ao boilo ta sowe koimoi. ³⁷ Tikaka mbo baai bao bambe lamba ongoma, ongoma, oto, oto; yeke batotaliyela iyeka ta baluwi. ³⁸ Oluwei yeke ikabekilomoko: Liso loka lo liso, la linda loka lo lino. ³⁹ Ndjo ei, lobekile'nu ndoemalai bee ba tale. Yomba mbo amoi afoumowe ta likeka lilome, enisaka aleko ye lieye limoi. ⁴⁰ Yomba mbo amoi ambe la yeme iomba bobekeli bobbe wao, la osaka tulu ao, tikelaka ye bakeka bao lisiya. ⁴¹ Yomba mbo amoi afoamo la bofoka mbo awo'we mia emoi, waka ta ye le linde aleko. ⁴² Faka la ono atolengilowe, la oifekilaka la ono alangi okipisha ambowe ⁴³ O'okeye yeke ikabekomoko: Otosama wina lao, la otoiya la boiyani wao. ⁴⁴ Ndjo ei, lo'obeka lino: Samakai baiyani bino, outchelakai bee batofeka outchele'nu, wakai bolo ta bee batoiyana lino, la sembolakai loka lo bee bakaweke'nu bobbe la bee bakabikileke'nu bobbe, ⁴⁵ loka mbo ombei bana baya Ise ino ono ambe ta buse; loka mbo atoemalisaka lowa ta bee ba balee la ambe bee ba bo'ongu, la itotuka ndjaluke'se ta bee ba liengani la ambe bee baiti la liengani. ⁴⁶ Yomba mbo okaosamai bee basamiki enu, lini lilipomu liengani lino? Linginda aleko bayawa ongoma? ⁴⁷ La okasalimiya ango ba nduku bao, ingi ase okawa ye imbe ilo-ilo? Bapakanano aleko bayawa ko'ongoma? ⁴⁸ Mbakai ango baito balo, kee Ise ino ono ambe ta lobola ambe bolo.

Chapter 6

¹ Kukaka lowo lienganisi liao felo i-baito, loka lo oena; la mangu, oi mbomba la lifaefi tina la Ise ao ono ambe ta bose. ² La oka-owa liano lio lingandi, oi-mbaka la olimbaka felo yao, ke ani ekelaka belimbiki ta mbele i-Mungu la ta ndole, ta tunga bo-oshe lokuku la baito. Lobekile enu ta wewe, ba mbo-oshaka lifaefi libo. ³ La okaowa liano liao lingandi, boo wao bo bobwali bo-iluaka ye itoa we bo bolome, ⁴ ta tunga e-liano lingandi lito-omo ta boficho; la Ise ao, ono ato-enaka ta boficho, ambo fokoë. ⁵ Mbile oto sombola oi-mbaka ke balimbiki, be basamaka osombola ani bae-mali ta mbele i-Mungu la ta tofokolo to ndole, lokambo baito baene bo. Lobekile-enu ta wewe, bambo oshaka ba faefi bibo. ⁶ Imbo okao sombola, otaka ta likuku liao, kandaka boinda, la sombolaka Ise ao ono ambe ta eseke lo boficho, atofö. ⁷ Ta losombolo, oi-talikiyaka baio babe, ke bapangano, bee batoenyelaka ta bofoka bo baio be bato-okaka. ⁸ Ndosobiakäi bo; la Ise ao aluwi ini ombe la lema, felo owe olengilaë. ⁹ Enakäi kanda eneoengani osombola: Afa iso ono ambe ta bose! Lina liao lioshë lokuku; ¹⁰ bokota wao boyeke; yeme yao iomoko ta nyele keta lobola. ¹¹ Fekesu boila wisio boengani liso la boni; ¹² mesileke-esu bachuanelo biso, ani aloko esu totomesila ta bee bachuaneleke-esu; ¹³ oi otisekesu ta lipimomu, la foyeke'esu ta bobe. Loka ombe bolo, la bofoka, la tala, laya-laya. Ko-ongoma! La ongoma! ¹⁴ Yo-omba mbo otomesila baito ba chuanilo bibo, Ise iso ta lobola atomesiloö aloko; ¹⁵ Imba lao oi'tomesilaka baito, Ise ao aimbo mesilokoë aloko ba chuanilo bao. ¹⁶ Ta mbile oto kila, oi'mbakäi la ngandi, ke belimbiki, kebe batomolaka bolendela ta itotina, loka lo' enisa baito beë bato kila. Lobeis'enu ta wewe, bambo oshaka bafaefi bibo. ¹⁷ La okao'kila, baningo ta bochwë la soyaka bombo wao, ¹⁸ ta tunga ndo enisa ta baito mbo! otokila, kanga ta Ise ao ono ambeke ete ta eseke lo boficho; la Ise ao ono atoneka ta boficho, atofö. ¹⁹ Oisaka liyoli lino ta nyele, elo sambola la mbalala bokoseisa, elo ta biba bakoosa la bokoiba. ²⁰ Kolaongoma isakai lioli lino ta lobola elo sambola la mbalala bo ndoseisa, la yoko biba ba itoosa la baito iba. ²¹ Bofelo elo embe liyoli, elo etomba botema. ²² Liso limbe tala elokomba, bofelo liso liao lilo, lokomba lao lotomba fololo. ²³ Imba mbo liso liao limbe libe bindo bitotina bitomba ta lilima. Loka mbo liangangi liee limbe ambowe ta lilima, banga batomba ba boli balilima! ²⁴ Ango amoi aitokuwela baekesi baele loka, aka ofeka amoi la akosama ono moyi; Bofelo abatemi la amoi la ekofeka amoi. Oiyengani okuwela Mungu la bieto. ²⁵ Lotobeka lino mbo: Oibangakayi bofelo bo liwawi lino taye imbo lekeenu, lamba ta lokomba lino, taye itobate enu. La liwawi lino liyeti ke bieaka, lokambo leiti loka lotulu? ²⁶ Moilaka noli ilikolo: Baitolobaka la baito bunaka, la baitoisa leka anga lomoi ta buselo bibo, la Afa ino ambe ta lobola atolesa bo. Enu oyeti bo la lokuku? ²⁷ Ndai, aiteni uno ta ndole elutungisami, aengeni otaliya lisio limoi ta liwawi linde? ²⁸ Loka loingi ototungisamanai ta ndole etulu? Enakäi ani etokonda liwa li bilanga: Baito unda likuwa la baitosola; ²⁹ Kolaongoma lobeka lino, imbee Salomo ta mbile inde, aika batisomo kee amoi ibo. ³⁰ Yomba mbo Mungu ato batisa liwa libilanga, ye imbe laboni la elongo itokusomo ta fulo, aiyengeni obatisa enu, baito ba liimeli like? ³¹ Oitungisamakai, la ndobekai mbo totola ingi? Totomwa ingi? La totobata ingi? ³² Lokambo yo mbeko itotina, ba pakano ba tolukayo. Afa ino ambe ta bose, aluwi yeke ombei layo la yeme. ³³ lukakakai felo felo bokota la liengani li ya Mungu; Ye mbeko utotina itofemoenu la likolo. ³⁴ Oitungisamakai loka ye iyo tombale; Loka mbo iyotombala imbe loka linde engene. Kilalisio iyengani la boni.

Chapter 7

¹ Tikaka losambiso, loka mbo oisambisomoko ango mala emoi. ² Loka mbo batosambise'nu lisambisomu lieke osambisakai, la batokote'nu la lokoto leke okotakai. ³ Loka loingi oto'ena ngoto ta liso liya ao, la aimbo'anya ango lilo lie limbe ta liso? ⁴ La ongoma otobekala nduku ao: Tikekei lofoye ngoto ta liso liao; owe ono ombe la lilo ta liso? ⁵ Buto a lolanga, foyaka koni mala emoi lilo ta liso lao. La otoena ongoma ofoye lilo ta liso liya nduku ao. ⁶ Oifayaka ngba bieka bitanu, la oikuselaka ngulube bieka felo, la mangu batomatekela bio la benoko bibo, bakikowe la babinoise la baimbo faa. ⁷ Lengilakai, la batofaya lino; lukakai, la oto'anyai; umakai, la batofungolele'nu. ⁸ Ndai ono atolengila ato'anya, ono atoluka ato'anya, la batofungola ambe ono atouma. ⁹ Amoi ino atofa wana inde lisase, ani wana oko akalengilaka bokati? ¹⁰ La, aolengila suwe, akofayomo fele? ¹¹ Kola ongoma, la yenisa ani embe'nu, oluwii ofoya baito bieka bilo ambe bana bino, koeta mala yanga oengana la Ise ino ambe ta bose atofayomo bieke beieka bilo ambe bee bakalengila ye. ¹² Itotina ye ombe la yeme mbo baito bakele loka lao, kelaka yo namuna emoi loka libo, loka mbo imbe ekela la banangoli. ¹³ akaota ta boinda bo bokamu. Ta mbo boinda bombaka bofi, ndole elo-elo etotola ta libungisomu, la baito babule bato'ota la boinda wamo. ¹⁴ La boinda bo bokamu, wamo ndjo bototolowe ta ndole ee liuwisi, imbe ango iniyo bee bato'ota. ¹⁵ Kukakai banangoli ba lolanga. Bamboya ambe'nu la tulu ii bana ba bekoko, la aiteni ibo imbe nama ii bokale. ¹⁶ Omboluwakai bo la touma. Tombotchwakai likolo li keke, la fangi ongoma mbo? ¹⁷ Isandu itotina ilo-ilo imbe la touma tolo-tolo, la isandu ibe-ibe imbe la touma tobe. ¹⁸ Isandu ilo-ilo yeimbotola touma tobe, ango isandu ibe-ibe ndotola touma tobe. ¹⁹ Tosandu tototina chweke toitoesa touma tolo iyotenomo la lokuso ta imbé. ²⁰ Loka mbo touma chwibo ndjo okaluwai tcho. ²¹ Beke batobeka lange: Ngene, Ngene! Baitomba bo batotina ta bokota boya Mungu, la ongoma ye angene atokela oengana la bofono boya Afa ange ono ambe ta bose. ²² Babule ta lisiyo liamo batobeka: Ngene, Ngene, toikanangola la lina liao? Toikafoya belimo bebe la lina liao? Toiakela tokesa la lina liao? ²³ La lokabeka libo fololo: Leiluwi enu, fowakai tina lange, enu bakeli ba bobe. ²⁴ Loka loingi, ono ato'oka bee baai lotobeka la atokuwela bo, atomba eseke lomoi la buto a weli ono ashwaka mbele inde likolo li litale. ²⁵ Ndjaluke eyakase, la fofu ikaya ikakusama ta ene mbele: Mbele eibunei, loka mbo eshwomo ta litale. ²⁶ La buto la buto ono ato'oka baai bange la aitolitisa bo aengani la buto a ebebe ono akashwa mbele likolo li nyele ii botchanga. ²⁷ Ndjaluke ekaya se, lofofo lokaya la lokananisa ene mbele: Mbele ekabuneya, lokambo kutu imbaka ifi-ifi. ²⁸ Mbisa iya Yesu osilisa baai, la baito babule baumomoko la baai binde; ²⁹ ta mbile e'ekisaka ye kee bokota, la ndomba kee bo'soni.

Chapter 8

¹ Ta mbile Yesu asuluwakata longo, baito likama batutaka ye. ² La enakai, buto a baandi akaya akauma baluwi felo inde, akabeka: Ngene, yo'omba mbo osami, okotanisei la okouwisei. ³ Yesu akaila boo likolo, akauwana linde, la akabeka: Losami, atanisomoko. La mangu akatanisomo la baandi binde. ⁴ La Yesu akabeka linde: La oibekaka anga la buto amoi; la kaaka okaenise kanga iya Mungu, enisaka lifaefi kee liya Mose lieke aemalaka, kola ongoma yamo imboenisomoko. ⁵ Kee ani Yesu aotaka ta Kapelanaume, bokota bomoi bokasombola ye, ⁶ akasombola la akabeka: Ngene, buto ange a likuwa aokpa ilo ta mbele, aitokenda ale ato'oka wale bo likama. ⁷ Yesu akabeka linde: Bokota, la etokomei elamo lotouwisa ye. ⁸ Bokota wo bokabeka: Ngene, loiyengani mbo o'ote ta sekala ii losambu lange; la bekaka anga lioi limoi, la buto ange a likuwa atouwa. ⁹ La mbo, ei lombe aleko la basola sekala yange; la lotobeka la amoi: Kaaka! La atoka; la asiya: Yo'oko! La atoya; la buto ange a likuwa: Kelaka ani! La atokela. ¹⁰ Mbisa iyo'oka, Yesu ambaka la limoali, la akabeka labe batutaka ye: Lotobeka lino wewe, anga ta Yelusaleme loiyanyi anga liimeli limoi lifi-lifi. ¹¹ Mbo, lotobeka lino mbo baito likama batoya ta etomoelo lo lowa la basiya ta elalelo lo lowa, la batomba eseke lomoi ta mesa la Abalayama, Isaka la Yakobo, ta bokota bo bose. ¹² Kola ongoma bana baya bokota batokusomo ta lilima lousa, elamo itomba la bileli la baino obunekeya. ¹³ La ongoma Yesu akabeka la bokota bo basola: Kaaka, ikelomowe oengana la liimelo liao. Kota mbile amo buto a likuwa akauwa. ¹⁴ Yesu akaka lisiya ta mbele eya Petelo, ndjo aenaka bobili botaali alali se ambe la bomusi. ¹⁵ Akauwa la boo winde, la bomusi bokafowa; la akaemala, la akatukumaela ye. ¹⁶ La likolase, bakatoela Yesu belimo bebe likama. La akashaya belimo la lioi linde, akauwisa baito batotina ba bemusi. ¹⁷ La mbo aenganise yeke ibekomoko la Isaya, bonangoli: Akaosa bemusi biso, la akaemaela biale biso. ¹⁸ Yesu, la baito ba likama pembeni inde, akaesa ndole mbo baete fangi esiya ee pembeni ii baye ba Galilai. ¹⁹ Bosoni bo kasa bomoi akasusama, la akabeka linde: Boekesi lototutowe biseke bitotina bie otoka. ²⁰ Yesu akamutoela ye: Ngaa imbe la biseke, anga noli ii lobola imbe la ndowe; kola ongoma Wana a Buto aiti anga la eseke lo'opemisa bochwé. ²¹ Amoi, aiteni ii baeki, akabeka linde: Ngene, fayekei koni fofe loke okasiliya ise ange. ²² Kola ongoma Yesu akabeka linde: Tutekei, la tikaka bangbei baseliomo la'ange. ²³ Akalila ta lisuwa, la baeki binde bakatuta ye. ²⁴ La moilakai, aemalaka likolo li baye lofofo lomoi lofi-lofi mbo lisuwa liunndukamaka. La ye, ambe ta ilo. ²⁵ Baeki bakasoma la bakalingisa ye, la batobeka: Ngene, Sungeke'su, tolangi ongba! ²⁶ Akabeka libo: Loka loingi ombei la bowa, baito ba liimeli like? Ongoma akaemala akamamela lofofo la ngumba, la kimia ekamba talibande. ²⁷ Bee baito bamwalaka: Ono ambe ase ndai, ebekaka bo, ambe ye ono lofofo la baye bakalitisa ye? ²⁸ Mbile ekomaka ye fangi ee baele, ta boki boko Gadalene, belimo bebe biele, bekafowa bekakpase felo inde. Bambaka la lobango mbo buto anga amoi ndoengana oeta la onga. ²⁹ Moilakai, bakamama: Ndai ambe aiteni iso la owe, Wana aya Mungu? Oye'ke loko loka'loenyelisatepelo felo yao? ³⁰ Imbaka esika libo ekukelo lo bana ba ngulube osukumomo. ³¹ Belimo bebe bekasombola Yesu, obeka: Yomba mbo otoshaye'su, tomeke'su ta engaelo lo bana ba ngulube. ³² Akabeka libo: Kakai! Batofoya la bato'ota aiteni ii bana ba ngulube. La moilakai, bikukelo bitotina bitoka la manhu ta libande lifi, la batongba ta baye. ³³ Beke bauwomoko batokimbiya, la batoka mangu ta boki bofi obeka ye itotina ikaeta la ye bakaena la yeke itotina ikomelaka belimo bebe. ³⁴ Kola ongoma boki bofi bokatomowa oya'anyamana la Yesu; kembo baene ye, bakabeka linde mbo afowe ta ekende libo lo boki.

Chapter 9

¹ Yesu akalila ta wato, lolekiso ta libande la akaka ta boki bofi winde. ² Baito bakatoela ye buto amoi asingile alalise ta litamba. Loeno liimeli libo, Yesu akabeka la buto asingile: "Osaka bofoka, wange, bebe biao beomesilomo". ³ La ongoma, baito basiya bee baluwi loka lobikela bakabeka ambe bo angene mbo: Buto ono atosela Mungu. ⁴ Kumbi Yesu aluwaka baenyeli bibo; akabeka: Loka loingi ombei la baenyeli babe ambe'nu? ⁵ La ongoma, ini yeiti la bofoka loka lo'obeka mbo: Bebe biao beomesilomo, lamba mbo: Emalaka la kendaka? ⁶ Loka mbo oluwi kembo Wana a Buto ambe ta nyele la bofoka bo lomesilo bebe, emalaka-owe-akabeka la buto asingile-osaka litamba liao la binowaka ete ambowe. ⁷ Botolome akaemala la akabinowa ete ambe ye. ⁸ Mbile ene linginda akaena yamo, bakamba la lisomi li liomali la bakaomala talaa iya Mungu, ono akafa we bofoka ambe baito. ⁹ Yesu akaka ko'onga. Ta loeto, akaena buto amoi angali se ta eseke lo'olipa bingbende la buto amo atomu mbo Matayo. Akabeka linde: "Tutekei". Buto oko akaemala la akatuta ye. ¹⁰ Ani Yesu ambaka ta mesa munga ee mbele, basondji likama ba bieto la baito ba bobe bakasama ongala ta mesa linde la baeki binde. ¹¹ Bafalisai bakaena yamo la bakabeka ambe baeki binde: loka loingi boekesi wino botola la basondji ba bingbende la baito ba bobe? ¹² Ndjo Yesu, ono aokaka, akabeka libo: Beke bambe la bindo bofoka baiti la yeme iya bonganga, ndjo ko'bee ba bemusi. ¹³ Kakai okaekisomoi la yeke ikabeka mbo: Losami ngandi, la loisamile bakambomu. Kola ongoma, loikaya oyata bee baengni, ndjo ko' baito babe, loka lo'oetekaniso befomo be baenyeli bibo. ¹⁴ Baeki baya Yoani bakaya ambe Yesu la bakabeka: Loka loingi esu la Bafalisai totokila mala la mala, kola ongoma baeki bao baitokila? ¹⁵ Yesu akasamoela bo: Batomu lioi ta lobeko baengani omba la lisomi ani bosongi ambe libo? Basiyo batoya ete bosongi bambo'foyaka ye, la ongoma bambo kilaka. ¹⁶ Buto aimbo taliya laki lo tulu eyai ta tulu ene ekaokolo, loka mbo botuku we bokataliomo botofaamisa botuku bo tulu la eseke lofaami lokoengana. ¹⁷ Bayata baana bayai ta bibengu bikaokolo, loka mbo bibengu bikaokolo bio kofaama, baana ko'eta la bibengu biokoseisama; ndjo batoka baana bayai ta bibengu biyai, la baana la bibengu bio ko'kukama. ¹⁸ Kumbi abeisaka bo bee baoi, bokota bomoi bokakoma, akauma baluwi se felo inde la akabeka: Wana ange botaali aongba iyowa saaekikelike; ndjo yo'oko, loka mbo oyataliye boo wao likolo linde la ye atouwa. ¹⁹ Yesu akaemala la akatuta ye la baeki binde. ²⁰ Onga ndjo botaali amoi ambaka la bokili kota miaka liou la yele akashushama mbisa inde la akamata ta tunga ee tulu inde, ²¹ Loka mbo batobekamana bo angene: Lokafouwana ango la tulu inde, ei koanya liuwesi. ²² Yesu akamoila la mbisa, la akabeka, ta ani akaena bo: Osaka bofoka, wana ange botaali, liimeli liao lifouwiso we. La botaali bokauwa ta saa ko'amo. ²³ Mbile ene Yesu akakoma ta mbele eya bokota, la akaena baumi ba tofonge la linginda litongalangala, ²⁴ akabeka libo: Binowakai; loka mbo wana botaali aikangba, kumbi ndjo atokpa ilo. La baka iyana linde. ²⁵ Ta mbile ene linginda likabinoisomo la mbisa, akaota, akaosa boo boya wana botaali, la wana botaali akaemala. ²⁶ Iyeli ikamelanisomo ta fangi itotina ii yese. ²⁷ Ekaaka ye okaeta elo, Yesu akatutomo la baito baele ba botutu, bee batomama: Mbaka la ngandi liso, Wana aya Dawidi! ²⁸ Ta mbile ene akomaka ta mbele, baito ba botutu bakashushama tina linde, la Yesu akabeka libo: Otoenyelai mbo loengani okela yoko? Hii, Ngene, ye akamutoela bo. ²⁹ La ongoma akaunda baiso bibo, ta lobeko mbo: Iwomoko kotutana la liimeli lino. ³⁰ La baiso bibo bakalikolama. Yesu akawela bo ishosha yoko ii fololo: Wakai mbo buto ailuwaka. ³¹ Ndjo mbile ango ene bakatomowa, bakamelanisa bofono winde ta yese itotina. ³² Ani ekaka bo, tene, bakatoela Yesu bolimo bobe amoi abebe. ³³ Bolimo bobe bokashayomo, ebebe akabeka. La linginda bamwala mbo: Ango lisiyo limoi mbeko iye bofono yeitakaenamanaka ta Isalaele. ³⁴ Ndjo Bafalusai bakabeka mbo: Imbe amoi ta baito babe atoshaya belimo bebe. ³⁵ Yesu akakenda ta beki befi la beki beke betotina, akaekisa ta bisondjamanelo, ato nangola mboli itanu ii bokota, la atouwisa baito ba biale batotina la bee ba ndjoso batotina. ³⁶ Akaena linginda, akayala la ngandi likama loka libo, lokambo bangalaka la lilewi kee nama ye ikosile bakuki. ³⁷ La ongoma akabeka la baeki binde: Likuwa limbe lifi, ndjo bakuwi bambe bake. ³⁸ Sembolakai mbo Ngene a likuwa aese bakuwi ta likuwa linde.

Chapter 10

¹ Yesu akata baeki binde liou la baele, akafa bo bofoka bosaya belimo bebe, la ouwisa biale betotina la bemusi betotina. ² Baina ba Batomomu liou la baele oye: Afelo Simona ono atomoko mbo Petelo, la Andeleya, nduku inde, la Yakobo, wana aya Jebedai, la Yoani, nduku inde; ³ Filipo la Balattolomai, Toma la Matai bokongoli bo lindjandja, Yakobo, wana aya Alafai, la Tada, ⁴ Simona, buto a Kanana, la Yuda Mokeliota, ono akana ye. ⁵ Yesu akatoma bo liou la baele, akalaka bo mbio, oikakai ta boki bo beenda la ndotai ta boki ango bomoi bo Samaliya, ⁶ Ndjo kakai kono felo ambe bekoko bieke bakaobunga ta Yelusaleme. ⁷ Oko etokenu, Nangolakai mbo, Bokota bo likolo botoya. ⁸ Uwisakai baito ba biale, fufukisakai bangbei, tanisakai baito ba baandi, tomoisakai belimo bebe. Oiyani la lilipi la ndo fai aleko la lilipi. ⁹ Ndosai mbela lamba falanga lamba bieto ta mokaba wino, ¹⁰ Lamba litanga li lokendo, tinga tulu yele, lamba bilato, tinda ango isandu loka bokuwi aengani owanya bieka binde. ¹¹ Etokomenu ta boni beki befi la boni beki beke, lingakai lamba ndai ambe buto boolo katikati ibo. Umoakai onga tii kani ototowai. ¹² Etotenu ta boki, fakai samo onga. ¹³ Yomba aleko mbo mbele embe boolo, tikaka mbo hai ino engaleke onga. Yomba mbo yeiti la hai, tikaka mbo hai ino ibinowe ambenu angene. ¹⁴ Ono aito tukumaelenu, yomba mbo aiyoki baio bino, oko etotowenu ta mbele amo, kusakai bouta bo batindi bino. ¹⁵ Lotobeka lino wewe mbo, ta lisiya li lisambi, itomba boolo ta boki bo Sodomo la Gomola koeta boki wamo. ¹⁶ Lototomenu kee Bekoko katikati i koi. Mbakai la weli kee fele la boongu kee tokuku. ¹⁷ Kebakai loka lo baito, batokesenu ta bakita la batoumenu ta bisongamelo. ¹⁸ Batoka lino feloi bangene ba wenda la bekota loka lange, loka lo libekelomu ambe bo la ambe beenda. ¹⁹ Emboanaka bo enu, oitungisamanakai lamba otobekai ingi. Loka omboanyakai baio baobeka kota elo mbile. ²⁰ Loka enu otobekai ndjo Bolimo boya Ise ino ambo bekaka ta eseke lino. ²¹ Nduku atokesa nduku inde ta lingba, la ise atoana wana, la bana batoemaela baise bibo, la batoita bo. ²² Batookenu wale loka lo lina liange; la ono atomba la bofilili kota liko atouwa. ²³ Oko eto'okisa bo enu wale ta boki bomoi, kimbiakai ta boki bosiya. Lobeise'nu ta wewe, oitosilisai okenda ta beki be Yelusaleme ani Wana a Buto aitakaya. ²⁴ Boeki aiyeti boekesi winde, la bokowa aleko aiyeti ngene inde. ²⁵ Iyengani la boeki ambe kee boekesi winde, la bokowa ambe kee ngene inde. Yomba mbo bakaota ngene a mbele Belezebule, la batomola-mola baito ba mbele inde! ²⁶ Oimbakai la bowa loka libo, lokambo yeiti la mbeko ango imoi ii liisami yeke yeimbo enenaka ta fololo, ango liisami yeke yeimboluanaka. ²⁷ Yeke lokabekele'nu ta lilima, bekakai yota lowa; yeke ikaokenu ta batoi, nangolakai yo likolo li bosambu bo mbele. ²⁸ Oibangakai bee batoita bindo bailuwi oita bolimo; bangakai ndjo ono ambe la bofoka boseisa bolimo la bindo ta Geena. ²⁹ Batoungisa noli ikikelike loka lo ngbele? Ango amoi ibo aitokpase ta nyele ani Afa ino aitaka luwa. ³⁰ La sowe ino itotina ii bochwwe itangomo ta batina. ³¹ La oibangakai, enu oeti yo noli ikikelike. ³² Kolayamo, buto la buto ono atobeka loka lange felo ii baito, ei aleko lotobekela loka linde felo iya Afa ange ta bose; ³³ la ono atoanganyei felo ii baito, ei aleko lotoanganya ye felo iya Afa ange ta bose. ³⁴ Oinyelakai mbo loye ndjo oyata kimia ta wenda; loiyeli oyatakimia, la bopanga. ³⁵ Loye oyata liyanani katikati ee buto la ise inde, katikati iya wana botaali la inango inde, aiteni eya boali aya wana la boilana inde. ³⁶ La baiyani ba buto bambe baito ba mbele inde angene. ³⁷ Ono atosama ise la inango inde koetei, aiyengani lange, la ono atosama wana botolome ao wana botaali inde koetei, aiyengani lange; ³⁸ la ono aleko aitoila lieka linde la otuei, aiyengani lange. ³⁹ La ono atoisa liwawi linde, atobungisa, ono atobungisa liwawi linde loka, atoosha lio. ⁴⁰ Ono atokuamele'nu, aokuamelei; la ono atokuameeli, aokuamela ono akatomekei. ⁴¹ Ono atokumaela bonangoli kee banangoli atoosha lilipomu li bonangoli, la ono atokuamela boengani kee boengani, atoosha lilipomu liya boengani. ⁴² Lamba ndai atofa keni ee baye ba bofiyo ta amoi ta beke bambe bakikelike, lokambo ombe boeki, wewe lotobeka lino, aimbo bongisa lilipomu linde.

Chapter 11

¹ Ta mbile ene Yesu akasilaka oesa toshosha ambe baeki binde liou la yele, kola ongoma akaka loka lo loekiso la otondola ta beki bibo. ² Kumbi, ta lokandjomo linde, Yoani aokaka ta

³ Imbe ono atoya lamba iyengani to'oke osiya? ⁴ Yesu akamutoela bo: Kakai okabeisa la Yoani yeke okaokai la ye okaenai: ⁵ Baito ba botutu bafoena, bitukulu biokenda, baito ba mbala baotanisomo, bee babooko bafo'oka, beliyo beoyayowa la mboli itanu iobekilomo ambe tobube. ⁶ Lopambolomo ambe ono ototina aito'oka soni loka lange. ⁷

Embaka bo batoka, Yesu akambaatobeka la linginda ta litina liya Yoani: Okaakai okaena ta liombe? Bokombe bomoi bokabuneya la lofofo? ⁸ Ndjo okaakai okaena? Botolome amoi abati tulu ilo-ilo? Beke batobataka tulu ilo-ilo bambeke ta mbele ii bekota. ⁹ Okaakai okaena amboko? Botondoli bomoi? Hii, lotobeka lino mbo, ono atoeta ambe botondoli bosiya, ¹⁰ loka mbo embe ye ndjo akaesa baenyeli bee basonomu mbo: Tene, lototoma botomomu wange felo yao loka lo'oenisa lao ndole. ¹¹ Lotobeka lino ta wewe, ta beke babotomu ta ndole ee bataali, baimboya buto bofi koeta Yoani Batisimo. Kola ongoma, ono ambe yana ikikelike ta bokota bo buse ambe buto bofi koeta ye.

¹² Kota elela loya Yoani Batisimo kota kani, bokota bo buse bongalisomu la bofoka, la baseisomu bafoenena la kanda ibo. ¹³ La ongoma, batondoli batotina la ekela iyotondolomo ko'ambe Yoani. ¹⁴ Yomba mbo olangi bolo mbo oimile, imbe ye Eliya aengani oya. ¹⁵ Ono ambe la batoi baoka aokeke. ¹⁶ Ambe oni buto otofananisa ye la we bofindi? Botofanana la bana bee bangalise ta bongaelo bo baito likama la bee batobeisa ambe bana basiya ¹⁷ mbo: Enu oumei tofonge la oikabinai, totchwele'nu beele be ngandila enu oikalelai. ¹⁸ La ongoma Yoani ayaka, la aitimba atola la atomwa la bakabeka mbo: Ambe la bolimo bobe. ¹⁹ Wana a Buto aoya, oko embeye atola la atomwa, la bakabeka mbo: Tene bolei la bomwei, lisau li basondji ba pako la baito basiya. Ndjo akili efoeta ta bakuwa binde.

²⁰ A'andjaka omamila boki we bowaka ye tokesa likama to bofoka, loka baikakikoliya betema bibo: ²¹ Ngandi lao, Kolaji! Ngani lao, Betesaida! Loka mbo tokesa tokelomo katikati ino, towomoko aleko ta Tulu la Sidona, la esiyo bakakikiliya betema, la bakabata bakoniya la bakangala ta beuta. ²² La ongoma lotobeka lino: Loka lo lisiyo li lisambisomu, Tula la Sidona batomba bolo koeta enu. ²³ Owe aleko, Kapalanaume, otolomo likolo kota lobola? Ango. Otosuluwa kota bongaelo bo bangbei, loka mbo tokesa towomoko ambowe tokelomo aleko ta Sodom, la yamo ikombe kota laboni. ²⁴ Kola ongoma lotobeka lino mbo: Ta lisiyo li lisambisomu, itomba bolo loka lo boki bo Sodom koeta owe. ²⁵ Ta mbile amo, Yesu akamutola mbo: Lombe la loluwo owe, Afa, Ngene a Lobola la nyele lokambo oisile ndjoso ye felo ii baito ba bieyeli la bee baliluwi la ofoena yo ambe bana bakikelike. ²⁶ Ee Afa, ongoma iyenene bolo felo ii baiso bao. ²⁷ Ndjoso itotina iofomo ei la Ise ange; buto ailuwi Wana ko Afa ango la buto ailuwi Afa ko Wana ango la ono Wana akaimila mbo aenise ye. ²⁸ Yokoi felo yange, enu atotina ombei otolawai la likuwa la lotolo bolito la lopemiso enu. ²⁹ Bauseke ekandelo lange likolo lino la okei eii; lokambo ei lombe la boongu la botema bolo; otoanyai lopemo loka lo belimo bino. ³⁰ Loka mbo toshosha tchwange tombe tolo la bolito wange boiti la bolito.

Chapter 12

¹ Ta mbile amo, Yesu akaeta ta bilanga bi bakokosi lisio li Yenga. Baeki binde, bakambaka la semba, baka akola obuna bakokosi la bakala. ² Bafalisai, bakaena ongoma, baka beka linde mbo: Tene, baeki bao batowa yeke yeiyengani lokelomo lisio li Yenga. ³ La Yesu akabinoisela bo mbo: Oikatangakai yeke Dawidi awaka, mbile aokaka semba, ye la beke bambaka linde? ⁴ Ani eotakae ta mbele ee Mungu, la akala boila we bombaka, yeke yeikaengana linde mbo ale, la ango aleko beke bambaka linde, la imbaka ango loka lo benganga. ⁵ Oikatangai ta bikela ani benganga batoseisa lisiyo li Yengaa iteni ee Tepelo lisiyo li Yenga la baiti aleko la lichuanelo? ⁶ Lotobeka lino wewe mbo yeke ikaeta Tepelo imbe eke. ⁷ Yomba mbo okaluwakai ye mbo, losami ngandi, la loisami liano, ani oitosuluwisai baito beke baiti la lichuanilo. ⁸ Loka mbo Wana a buto ndjo ambe Ngene ee lisiyo li Yenga. ⁹ Akafowa onga la akakoma ta esongamanelo. ¹⁰ Enaka, buto a boo bo'omeli ambaka bakaiyolae loka lo'ositakae mbo: Iyengani ouwisa buto lisiyo li Yenga? ¹¹ Ye akabeka libo mbo, Oni buto ambenu ambe la bokoko, atokusama ta likemba lisiyo li Yenga, aitoundaye loka loila ye likolo? ¹² Buto aiti bokoko la loketi fafo! Iyengani ndjo okela bolo lisiyo li Yenga. ¹³ La akabeka la buto mbo, nyanyolaka boo wao. Aka nyanyola wo, la bokauwa kee we bomoi. ¹⁴ Bafalisai bakatomowa la bakakomanya loka linde mbo baito ye ta ndole amo. ¹⁵ Yesu akaluwa ongoma la akafowa onga. Linginda bakatutae la akauwisa batotina. ¹⁶ Akaekisa bo mbo bailuwanisakae fololo, ¹⁷ loka mbo lioi libekaka bonangoli Yisaya lienganisomo mbo, ¹⁸ enaka, bokuwi wange ono loka'ochakolae; bolimo wange bofomala linde, lototae bolimo wange la atongala lisambisomu lino ta befindi bii Beenda. ¹⁹ Aitongbanela, aitomama, la buto ango amoi imbo'oka limiki linde katikati ee ndole. ²⁰ Aitobuna liwa lieke likaochuangomo, aitotiamisa lotambi leke lokao'baanisomo; tii kani aitosilisae osambisa wewe. La befindi be Beenda bato lendolomo ta lina linde. ²² Kola ongoma, bakayelae la buto a bolimo botuku, la aitobeka. Akauwisae tii kani buto ono aitobeka akabeka la aka'ena. ²³ Linginda litotina bakamwaala, bakabeka mbo, ono aiti Wana ay Dawidi? ²⁴ Bafalisai, bakaoka ongoma, bakabeka mbo, ono atofoya belimo bebe ta bofoka boya Belezabula, bokota bo belimo bebe. ²⁵ Akaluwa baenyeli bibo, la akabeka libo mbo, bokota la bokota weke baka'anana aiteni ibo boitoemala. ²⁶ Yomba mbo Satana atotomoisa Satana, anani aiteni inde engene; Lino bokota winde botoemala eni kanda? ²⁷ Yomba mbo ei lotofoya belimo bebe ta bofoka boya Belezabula, bana bino batofoya ase yo langi? La bo batomba batosambise'enu. ²⁸ La yomba mbo ei lotofoya belimo bebe ta ndole ee Bolimo boya Mungu, ani Bokota boya Mungu bo'osila oya ambenu. ²⁹ Buto atoota ta mbele eya lokulu ta eni ndole la atoseisa biongo binde eni kanda ani koni felo aitakaunda lokulu? ³⁰ Lambisa yamo ndjo aengani oseisa la obuna mbele inde. Ono aitii lange eseke lomoi, atoemaele, la ono aitoota lange eseke lomoi atomeanisa. ³¹ Kola ongoma lotobeka lino mbo: Bobe bototina la limoli li baito litomesilomo, ndjo limoli liomola blimo boengani baitomesila bo yamo. ³² Ye ndai atobeka lioi lioemaela Wana aya Buto atomesilomo. Ye ndai atobeka lioi lioemaela Bolimo Botanu aibo mesilomo, lamba ta ene mbile lamba ta mbile etoya. ³³ Komanyaka isandu ilo la touma chuinde totomba tolo la aleko mbo komanyakai isandu ibe la touma chuinde totomba tobe; Loka isandu itoluwamana loka lo touma chuinde. ³⁴ liboti li fele, oengani obeka bolo ene kanda ani ombei koni babe? Loka bonoko botobeka otutana laye iwali ta botema. ³⁵ Buto bolo atotomoisa mbeko lio ofowa ta eiselo lolo linde la buto bobo atotomoisa mbeko ibe ofowa eiselo linde lobe. ³⁶ Lotobeka lino mbo: Lisiyo li lisambisomu, baito bambo sambaka loka (lo bobeka beka) bototina botobeka bo; ³⁷ Loka mbo baioi bao bato longisowe la baioi bao batosuluwiso'owe ao batokpesowe. ³⁸ Basiya ta bandiki la Bafalisai baka beka linde mbo: Boekisi, tolangi toene ikesa ofowa amboe. ³⁹ Akabinoisala bo mbo: Fecho ao liboti limbe la bolefe la lotolengila ikesa, la baito osha ikesa kanga ko ikesa iya bonangoli Yona. ⁴⁰ Ani embaka Yona ta soolo ee suwe efi basiyo basaso la tiyo isaso, etomba Wana a Buto aleko basiyo basaso la tiyo isaso aiteni ii soolo ee nyele. ⁴¹ Batolome ba Niniwe batoemala ta lisambisomu eske lomoi la bofindi wee la batouwisa bo; Loka mbo bakikolie betema bibo ta inango iya Yona la enaka ono aeti Yona ambe eke. ⁴² Bokota botaali ta fangi eembele atoemala ta lisambisomu la bofindi wee eseke lomoi atosuluwisa bo, loka mbo ye afowe ta ikenge ii wenda loka looka weli boya Solomo la ono aeti Solomoambe eke. ⁴³ Ta mbile bolimo bobo akafowa ta buto, atokenda kenda ta biseke bieti la baye loka looluka engaelo la aito'osha. ⁴⁴ La atobeka mbo: Loto binowa ta eseke leke loka fowaka. Etokomaye, atoena mbo Imbe bule la loosila oombomo la lokomanyomo. ⁴⁵ La atoka la atoya belimo besiya bosambale bieke baeti ye la tale; La batoota loka loongala elo. La lingali li tunga ee buto amo litomba libe oeta lingali linde li felo. Itomba aleko ongoma ta wee bofindi bobo. ⁴⁶ Ekambakae atobeka la linginda, enaka inango inde la banduku binde batolome baemali lousa loka loolinga mbo babekane linde. ⁴⁷ Buto amoi akabeka linde mbo: Tene inango ao la banduku bao batolome bambe ete lousa batolinga obekana lao. ⁴⁸ Ye akabinoisela buto ono akabekaka linde mbo: Inango ange mbo ndai? La banduku bange mbo ba ndai? ⁴⁹ Akaila boo winde ambe baeki binde, akabeka mbo: Tene inango ange la banduku bange. ⁵⁰ Loka mbo ono atowa losamo loya Ise ange ono ambe ta bose, oko ndjo ambe nduku ange botolome la nduku ange botaali la inango ange.

Chapter 13

¹ Ta lisiyo liamo, Yesu akatomowa ta mbele akangala pembeni ii bomongo. ² Baito ba bule bafibafi bakasondjamana felo inde, la ongoma akaota ta wato la akangala se onga. Ba bule bakaemala ta bomongo. ³ Akabeka libo mbeko likama ta bembila, ye mbo: Moilakai bolobi aofowa okaloba. ⁴ Eko elobaka ye boloba bosiya bokakpase tina la ndole la noli ikaya ikala boloba we bokpase. ⁵ Boloba bosiya bokakpase ta batale onga eikambaka la nyele ii bule. Mangungu ikatomowa onga loka eseke lamo loikamba la nyele ii bule. ⁶ La ongoma lowa lokatomowa boloba bokafia la imbe, loka mbo boikamba la likuwa, bokaomela. ⁷ Bosiya bokakpa'se ta keke; keke ikaunda la ongoma ikaita wo. ⁸ Bosiya bokakpa'se ta nyele ilo-ilo ikatomoisa tuma, mia-mia, yeke tuku liambe, tuku lambe, tuku isaso la isaso. ⁹ Ye ono ambe la batoi, aokeke. ¹⁰ Ekakoma baeki, bakabeka linde mbo loka loingi otobeka libo la bembila? ¹¹ Ye akamutoela bo mbo: Mbeko ii kuku ii bokota bo likolo, enu oengani oka yo, la ongoma bo baiyengani o'oka yo. ¹² Ongoma ambe ye ono akaoka lisiya bieka, atoanya bisiya bi bule. Kola ongoma ambe ye ono aiti, batokpola ango ye ye imbe linde. ¹³ La litina lie lombobekaka libo ta bembila loka mbo: Etomoila bo baimboena loka itokomela bo baimbo'oka, baimboluwa litina. ¹⁴ Li mboli iya Yisaya liengani libo, oto'okai la batoi la otoluwai litina. Otomoilai la baiso la oto'enai. ¹⁵ Loka mbo betema be baito bee bekaosila omba bofoka, bofoka ta batoi la balundu, ongoma bakaufa baiso bibo, loka baenaka la baiso la baiokaka la batoi, la baluwaka ta betema, la baibinowaka loka lo'louwisa bo. ¹⁶ Ongoma baiso bino bafoitomo loka mbo imbe lenesi litoena loka batoi bino kee loka mbo bato'oka. ¹⁷ Lotobeka lino wewe mbo banangoli la bee ba wewe ba bule bakambaka la yeme baene mbeko imoili enu la baiyeni loko o'oka mbeko ikaoke'nu bo baiyoki. ¹⁸ Enu o'okakai bombila bo bolobi. ¹⁹ Etoke oni buto lioi li bokota, la aimbotena litina, bobe botoya la botokpola yamo ilobomu ta botema winde. Ye ono alobomu tina la ndole. ²⁰ Ye ono alobomu likolo li batale, ye ono akaoka lioi la otukumaela lio mangu la liomali. ²¹ Ye aiti'imbu la litina aiteni inde ongoma afoumowa iniyo ii mbile onga wale la lotungisamo ioya loka lo lioi, mangu mangu ato'oka soni. ²² Ye ono akalobomo ta katikati ii keke, ambe ono akaoka lioi la mbeko ii wenda la yeme ii bakute itouwisa lioi la yeitobota tuma. ²³ Ye ono akalobomo likolo li nyele ilo-ilo ambe ye ono akaoka lioi la akatena litina li lioi; ye a'obota yuma la a'otomoisa yo, isiya mia, mia, isiya tuku isaso, la tuku isaso. ²⁴ Akatela bo bombila bosiya mbo: Bokota bo likolo imbe kee buto akalobaka boloba bolo ta elanga linde. ²⁵ Ongomma ekambaka baito'olala se, boiyani winde akaya akoloba liwa libe katikati ii bakoke la akafowa. ²⁶ Ikaotomowa bakoke la ikabota tcho tuma, ongoma liwa libe likaenena aleko. ²⁷ Bekowa beya ngene a mbele bakaya la bakabeka linde mbo: Ngene, oikaloba boloba bolo bolo ta elanga lao'ii? Loka lombe la liwa libe loka lo'ingi? ²⁸ Ye akabeka libo mbo: Boiyani buto akakela ongoma. Bekowa bakabeka linde mbo: Ani osami mbo toke tokote yo? ²⁹ Ye akabeka mbo: Oto, mbo oko etolokote'nu liwa libe oibushakai bakoke. ³⁰ Tika itotina yele ikonde eseke lomoi tii ko'mbile itobunomo. Ta mbile eobuna, totobeisa babuni mbo: Lokotai felo liwa libe la okandei eseke lomoi loka itumbomo; la osondjei bakoke ta ekukelo lange. ³¹ Akatela bo bombila bosiya mbo: Bokota bo likolo bombe kee yuuma ii bochicha yeke buto akaosa loka lo'oloba ta elanga linde. ³² Yamo imbe boke koeta tuma tototina, etokonda yo, imbe yuuma yeke imbe bofi la itokoma isandu, la noli ii bosee batoya oya chua ndowe ta betaa binde. ³³ Akatela bo bombila bosiya bo: Bokota bo bose bombe kee fulu ene botaali akaosa la akaisa ta lopimo isasobi fufutu kani ee kumaka yo. ³⁴ Yesu abekaka ye mbeko ta linginda ta ndole ee bembila; Akabeka libo kota bembila. ³⁵ La'ani lobeko lobekaka banangoli likaengananisomo mbo Lototikala bonoko wange ta bembila, lotobeka ndjaso ye iisami owakola ta liako li wenda. ³⁶ Akatika linginda la akaota ta mbele inde. Baeki binde bakaya tina linde, la bakabeka mbo: Luwiseke'esu litina li bembila li liwa libee ta bilanga. ³⁷ Akabinoisela mbo: bolobi bo yuuma ilo imbe Wana a Buto; ³⁸ Elanga imbe wenda; Mbeku ilo imbe bana ba bokota; Liwa libe imbe bana bayaono bobe. ³⁹ Boiyani ono akaloba yo imbe Satana. Mbile ee buna imbe tunga ee wenda; Babuni bambe bakeitomo. ⁴⁰ Ani eltlokta bo liwa libe labatofecha yo, itomba ongoma ta liko li wenda. ⁴¹ Wana a Buto atotoma bakeitomo binde la batolokota aiteni ee bokta winde ndjaso itotina yeke ito'okisa soni la bakeli batotina ba bobe. ⁴² La batokusayo ta litundulundu li imbe, oko etomba bileli la ngelete ii baino. ⁴³ Baangani batomba ta liangangi kee lowaaiteni ee Bokota boya Afaibo. Ono ambe la batoi, aokeke. ⁴⁴ Bokota bo bose bombe kee leka lo litina loisami aiteni ii elanga la buto akaoshayo la akaufa amo ongoma, la liomali linde, akaaka oka'ungisa biongo bitottina bieke ambaka la biho la akasomba elanga lamo. ⁴⁵ Lisiya Bokota bo bose bombe kee boungisi ono atoluka tulu ilo. ⁴⁶ Akafo'osha tulu emoi ee loketi fafo, ekoka la ekoungisa itotina ye ambaka layo la ekosomba yamno. ⁴⁷ Lisiya, bokota bo bose bombe kee wengo we bokakusomo ta katikati ee libande la bokalokota suwe ii befono betotina. ⁴⁸ Etowala yo, baito bo koluta yo ta ngonge, la bokongalasee, bakaana ye ilo otayo ta bonyongo, la bokokusa ye imbe ibe. ⁴⁹ Itomba aleko ongoma ta liko li wenda; Bakeitomo batosuluwa oya foya bobe katikati ii bolo; ⁵⁰ La batokusa bo ta litundulundu li imbe. Bileli bitomba elo la ngelete ii baino. ⁵¹ Osilai loluwo litina li yeke itotina? Bakabeka linde mbo: Ee. ⁵² Ye akabeka libo mbo, boandiki la boandiki ono akaekisomo loka lo'otuta

bokota bo bose ambe kee Ngene a mbele ono atotomoisa ta eiselo linde leka loyai la leka lo kwaala. ⁵³ Ekasilisaka Yesu bembila bihe, akafowa onga. ⁵⁴ Ekakomaka ye te boki winde engene akaekisa bo ta esongamelo ibo la bakamwala la bakabeka mbo; Ono aoshe weli we la bakuwa binde ba bofoka endei? ⁵⁵ Ono aiti wana a bokeli bo mbao? Lina liya inango inde lieti Maliya? Banduku binde baiti Yakobo la Yosefela, Simona la aleko Yuda? ⁵⁶ Bawelo binde bataali baiti liso eke? Buto ono aoshe ndaso itotina ye endei? ⁵⁷ Akambaka likulia loka libo. La Yesu akabeka libo mbo: Bonangoli aiti la lokuku ta boki winde la aiteni ee mbele inde. ⁵⁸ Akawaka bakuaw likama la bofoka loka lo'okosa libo liimeli.

Chapter 14

¹ Tambile amo, bokota Helode akaoka lokuku loya Yesu, la akabeka la bakuwi binde mbo: imbe Yoani bolufi! ² Aofufuka ta bangbei, la yamo bakuwa ba bofoka batowomo aiteni inde. ³ Helode, akakanda Yoani, la akaata ye ta bonyololo, loka loya Elodia boali aya nduku inde Filipino, ⁴ loka Yoani abekaka linde mbo, ye iyengani lao osonga ye. ⁵ Akambaka la yeme iyoita ye, la akamba la bowa loka lo- baito babule, loka akaenaka ye kee bonangoli. ⁶ Mbile enganaka lisiyo lionyelisa libotomu liya Helode, wana botaali aya Elodia akabina bisha aiteni ibo la akaomalisa Helode, ⁷ kani elapakae mbo atofae leka le- atolengilae. ⁸ Otutana la liekesi liya inango inde, akabeka mbo: Fekei bochue boya Yoani bolufi likolo li saani. ⁹ Bokota akaoka ndandi fafo; otutana ase la lilapi linde, laloka lobeke bakambaka batola eseke lomoi kee kendisani, akalaka mbo aosheke. ¹⁰ La akatoma la bakatena Yoani bochue ta bonyololo. ¹¹ Bakaesa bochue winde likolo li saani, la bakafaa la wana botaali, akatola ambe inango inde. ¹² Baeki baya Yoani bakaya oya osa bolio la bakaomba wo; la bakaaka okabeisa la Yesu. ¹³ Ekaokaka Yesu ye mboli, akafowa ta wato akaka ta eseke lo- liombebe engene. Ekaokaka linginga ongoma, bakatutae la bakolo ofowa ta beki bifi. ¹⁴ Akafowa ta wato, akaena linginda lifi, la akaokela bo ngandi, la akauwisa baito hibo ba biale. ¹⁵ Ikakoma la likolosé, baeki bakaya ambe ye la bakabeka linde mbo, eseke le lombe liombebe, la lowa loka lambole; tomaka linginda lifi bake ta boki boke loka basombe loka libo bieka. ¹⁶ Yesu akabeka libo mbo: baiti la yeme iyoka; enu fakai bo bieka. ¹⁷ Bakabeka linde mbo tombe ango la bekati liondo la suwe yele. ¹⁸ Ye mbo: yelegei layo eke. ¹⁹ Akangalisa linginda ta liwa, akaosa bekati liondo, la suwe yele, akaila baiso likolo ta lobola, akaesa ngbengbele. la akabuna bekati, akafaa la baeki, la baeki bakanela linginda. ²⁰ Batotina bakaala la bakakuma soolo, bakatola tochungu liou la yele ta bikende bieke bitika laka. ²¹ Beke balaka bambaka baito elefu liondo, ofoya bataali la bainenge. ²² Tambile amo, akabeka la baeki baote ta wato lsa balekise fangi esiya felo inde, ani ye atomeanisa linginda. ²³ Ekaokaka omeanisa linginda, aka lila ta longo engene loka losembola. Ikakoma mbile ee likolosé, akambaka onga engene. ²⁴ Wato bokambaka oko esika la bomongo, ikaumomo la ngumba loka lofofo lokauma felo ibo. ²⁵ Tambile ee inati lotiyo, akaya elo embe bo akakola okenda ta libande lifi. ²⁶ Ekaenaka baeki mbo atokenda ta libande lifi, bamamba la bowa fafo, bo mbo imbe ende bolimo! ta bowa wibo, bakamama fafo. ²⁷ Yesu akabeka libo: Imbei, mbakai la bofilili, oibangakai! ²⁸ Petelo aka binoiselae ye mbo: Ngene, yomba mbo imbowe, fekei ishoshia loye felo yao likolo li baye. ²⁹ Ye mbo, yokoo! Petelo akatomowa ta wato la akakenda likolo li- baye la akaya felo iya Yesu. ³⁰ La ekaenaka mbo lofofo lombe lofi, akabanga, la akakola olinda, akamama mbo: Ngene! uwisekei! ³¹ Mangu mangu, Yesu akaila boo winde la akaundae, akabeka linde: buto a limeli liki kelike, loka loingi otowa fiye? ³² Bakaota ta wato, la lofofo lokasila. ³³ Beke bambaka ta wato, baka suluwelae se, bo mbo: wéwé ombe wana aya Mungu. ³⁴ Mbisa ibo ii yolekisa fangi ene moi, bakakoma ta boki bo Genesaleta. ³⁵ Baito ba eseke lamo, bakaluwa Yesu, bakatoma buendi biseke bitotina, la bakaya la baito batotina beke bambaka la biale. ³⁶ Bakalengila linde mbo baunde tunga ee tulu inde. Beke baundaka bakauwisomo.

Chapter 15

¹ Kolaongoma Bafalisai la baatiki bakaya ta Yelusaleme tina la Yesu la bakabeka; ² loka loingi baekesi bato buna bikela la mbeko ifelo? Bofelo baitosola bao, ta mbile etolakabo. ³ Akasanoela bo; enu, bofelo boingi oto buna la otoutaise bikela biya Mungu bofelo bo inangoli ino? ⁴ Loka Mungu akabeka; litisaka ise ao la inango aõ, ono aito litisa ise inde la inango inde oto la kelomo bobbe kota lingba. ⁵ Kola ongoma, enu otobekakai mbo ono atobekela ise inde la inango inde; la lotoosha la itomoila bo ta bafa'efi baya Mungu, yamo itoesa lokuku loya ise la inango. ⁶ Enu ototekayi baoyi baya Mungu bofelo bo tonango tchino. ⁷ Buto alolanga, Yisaya botondoli la ambenu mbile ebekiye; ⁸ Baito be batolitisei la onoko, kola ongoma betema bino betomba esika lange. ⁹ Bato litisei bule, bato ekisa bo baoyi ba kila baito. ¹⁰ Akata bo lioi ta linginda, akabeka; okakai la okotchei. ¹¹ Yeiti ye itota ta bonoko ye itoseisa buto, lakini ye itotomowa ta onoko, yamo itoseisa buto. ¹² Kolaongoma baeki bashushame tina linde, aka bekela bo; olui mbo Bafalisayi bakasoma oko eokaka bo baoyi ta otuku wamo. ¹³ Akasanoela bo; isandu itotina yeiti isandu Afa ange alikolo atoyola yo. ¹⁴ Tikai bo; bambe betuku betokendisa betuku, botuku bomoi botokendisa botuku, bakokusama ta likemba. ¹⁵ Petelo, akaosa baoyi, akabeka: Beiseke esu we bombo we. ¹⁶ La Yesu akabeka: Lao aleko, oiti la weli? ¹⁷ Oitoluwa ye itotina ito'ota ta bonoko itoka la solo, itokusomo ta eseke le loluwani. ¹⁸ La yeitotomowa ta bonoko itoya ta botema, la yamo ito'ita buto. ¹⁹ Loka ta botema ndjo itoya baenyeli babe, nyongo, bolefe, wiba, baoyi ba lolanga, la limoli. ²⁰ Enaka leka lotofa buto lilo, otola bieka ta solo bao, ye yeitofa buto lilo. ²¹ Lambisa Yesu, akafowa elo, akaka tinatina la boki bo Tulo la Sidona. ²² La tene, botaali bomoi bokanana, ono afowaka fangi amo, akakoma ambeye la akamama mbo: okelekei ngandi, Ngene, wana a Tawiti! wana ange bototali ambe la belimo bebe. ²³ Akabinoiseselaye lioi ango lomoi, la Baeki bindi bakaya Tina linde, la bakabekelaye mbo: bakelakaye ake, loka atomamaka mbisa iso. ²⁴ Akabinoisa mbo: lotomomo ango loka lo bekoko biye bikaosesela ta mbele e Isalaele. ²⁵ Botaali amo akaya la akosuluwa la baluwi felo inde, akabeka: Ngene, sungekei. ²⁶ Akabinoisa mbo: yei'iyengani oosa bieka bi baana, loka lofayo la bana bangba. ²⁷ Botaali akabinoiselaye, imbe ongoma Ngene, bana bangba batolaka ango mbumbisi yeke itokpase ta mesa eya Ngene ibo. ²⁸ Ndjo Yesu akabeka linde: botaali, limeli Liao limbe bofi, ikelelomo owe ani olongi. La, kotambile amo, wana inde botaali akauwa. ²⁹ Yesu akafow elo, la akaka tina lafangi e libande li Galilaya. Eka lilakaye ta longo, akangalase. ³⁰ Linginda li baito likama bakakoma ambeye, ani botoli betuku, bitukulu, baito ba biala, baito be baitobeka, la baito basiya likama ba biale. bakata'bo ta bakolobinde, akauwisa bo, ³¹ Linginda bakamwala fafo tambile enakabo baito be baitobekaka bakabeka, baito ba biale bakauwa, bitukulu okenda, la bituku Lena, la bakasimola Mungu a Isalaele. ³² Yesu, akata Baeki binde, akabeka: lofoka ngandi la baito be bambe lange eseke lomoi basiyo basaso ndoena oto kola leka. Loilangi obinoisa'bo la semba, loka baimbomba la bofoka tandole. ³³ Baeki bakabeka linde: eni kanda totoosha bieka eke ta eseke lo liombe le loka lokumisa soolo ibo baito likama? ³⁴ Yesu akaiyolabo: ombei la bekati Bianga? Bakabinoiselaye mbo: bosambale, la suwe isaso. ³⁵ Akangalisa Linginda libaito likama tanyele. ³⁶ Akaosa bekati bosambale la suwe, mbisa iyofa Mungu kelekele, akabunayo, la akafa la Baeki binde, la bakamelana linginga libaito. ³⁷ Batotina bakala la bakakuma solo, labakatola tochungu bosambale ibikende biye bitikalaka. ³⁸ Beke balaka bambaka baito elefu inati, oto kotanga bataali ba bainenge. ³⁹ Ta liko, akabinoisa baito ba Linginda, akaota ta wato, la akaka ta fangi ee boki bo Magadana.

Chapter 16

¹ Bafalusi la basadokai bakaya ambe Yesu loka lo kotaye,bakalengila linde okela ikesa imoi ofowa ta lobola. ² Yesu akabinosela bo; likolase otobekai mbo;itomba bolo,aitoyase ta mbile etomba lobola bonenu. ³ Laongoma,enu kobeka mbo mbula etoyase la boni loka lobola lombe bonenu la lilima,otoluwai tokesa to lobola ndjo oitoluwai tche'eme iyene mbile tombe. ⁴ Fecho ebe la bolefe botolengila ikesa,yeimbofomo lino ikesa isiya sakola koiya Yano,lambisa iyonga,Yesu akatika'bo,la akaka inde. ⁵ Tambile elekaka Baeki fangi ebaele, bakalendja osa bekati. ⁶ Yesu akabeka libo mbo;laweli,loka lobote bo bokati bo Bafalusi la basadokai.

⁸ Yesu,akaluwa lobeko le bambaka batobeka,akabeka;loka loingi otobekana enu'angane,imbe loka oikaosai bekati,baito balimeli like, ⁹ Oitaka luwai leka ani,la oitoenyelai anga bekati liondo yeke lobunaka loka lo baito elefu liondo, la otolakai tochungu chuang, ¹⁰ Lamba bekati bosambale loka lo baito elefu inati la tochungu chuange otolakai, ¹¹ Loka loingi oitoluwai kembo yeiti loka lo bekati lotobekela'enu.laweli labote bo bokati bo Bafalusi la Basadakai. ¹² La bakaluwa kembo yeiti loka lobote bo bekati ndjo akabekaka libo bamoile laweli.imbe ndjo loko loliekesomu li Bafalusi la Basdokai. ¹³ Yesu akoma Tina la b oki bo kaisaliya boki boya Filipino akaiyola Baeki binde,baito batobeka isai loka Lange wana abuto? ¹⁴ Bakabinoselaye mbo: bamoi batobeka mbo ombe Yoani bolufi,basiya mbo,Eliya basiya mbo,Yilimiya,amoi ta banangoli. ¹⁵ La'enu otobekai ase mbo lombe ndai? ¹⁶ Simona Petelo akabinoselaye mbo: ombe Kilisito,wana aya Mungu aliwawi. ¹⁷ Yesu akabeka linde : ombe la liomali,Simon, wana aya Yona loka yeiti bindo langelo ndjo akaenisa la'ongoma,imbe ndjo Ise ange ono ambe ta lobola. ¹⁸ La'ei,lobeka mbo,ombe Petelo,lalikolo li litale liye,labeinda belingba biyei'toemaelayo,la batoshwa mbele mungu Ange. ¹⁹ Lotofa Lao fungola ibokota bolikolo yeke otokanda eke tanyeke itokandomo aleko ta bose,layeke itosombula tanyeke itosombulomo ta lobola. ²⁰ Lambisa iyonga akafa la Baeki binde ishoshwa mbo baibeisaka Buto anga'amo mbo ambe kilisito. ²¹ Kofelo Yesu ambaka atobeka la baeki binde mbo,iyengani loke ta Yelusaleme,ifondo loene bomusi likama loka lobakumi,la bekota befi la baandiki ba bikela batoitaye,la atofufuka lisiyo li'asaso. ²² Petelo akaosaye kobo linde akabeka linde: lisiyo'anga limoi,Ngene,lobekole loimbokelomo we. ²³ Ndjo Yesu akabinowa,akabeka la Petelo: foaka tina Lange Watanabe! ombe likulia loka Lange,loka baenyeli bao baiti baenyeli baya Mungu,bambe'anga ndjo baenyeli ba baito. ²⁴ Yesu akabeka la Baeki binde: yomba mbo buto alangi oya'ambei,afeke koni engene,la atole lieka linde linde la atutei. ²⁵ Buto ono alangi liwawi linde,atobungisa amo,ndjo ono atobungisa loka Lange,atosha yo lisiya. ²⁶ Lini litina buto aose Wenda bototina la aseselise liwawi linde?La'ingi buto atofa kee liyetekani ta liwawi linde? ²⁷ Loka wana abuto atoya ta talaa eya Ise inde,eseke lomoi Bakitomo binde,la atofa buto oengana la bakuwa binde. ²⁸ Lotobeka lino,la wewe,bamoi be bambe liso eke,baitongba,sakoloko baene wana abuto oya ta talaa inde.

Chapter 17

¹ Mbisa i basiyo liambe, Yesu akaosa Petelo la Yakobo la Yoani, nduku inde. Akaka libo ta longo losa elo ambe- bo.
² Akakikola bomuna winde felo ibo, la bombo winde bokangenga ke lowa la tulu inde ikamba bofufu kee liangangi. ³ La tene, Mose la Eliya bakaenamana libo, bambaka batobekana libno. ⁴ Petelo akalikola bonoko winde, akabeka la Yesu mbo, Ngene, imbe boolo liso mbo tombe eke. Okaolanga, lotokela tombaumbau tosas, emoi loka lao, emoi loka loya Mose, emoi loka loya Eliya. ⁵ Ekambaka ye atobeka, tene lifita likangenga likaufa- bo la limiki katikati i lifita likabeka mbo, Ono ambe Wana ange a losamo, lofomala linde likama. Okakai -ye! ⁶ Ekaokaka Baeki ongoma, bakakpase la bembo bibo la bakamba la bowa likama. ⁷ Ndjo Yesu akaunda- bo ye mbo, Emalakai, ndobangai. ⁸ Ekailaka bo baiso likolo, baikaena buto, sakolo ko Yesu engene. ⁹ Ekasuluaka- bo ta longo, Yesu akalaka bo mbo, oibekakai la buto ta liyenesi tii kani etofufuka wana a buto ta linbga. ¹⁰ Baeki bakaiyola ye mbo, loka loingi Baandiki batobeka mbo, iyengani koni la Eliya mbo aye felo? ¹¹ Akavinoisa mbo, Eliya atoya la atokomanya mbeko itotina. ¹² Ndjo lotobeka lino mbo, Eloya aosila oya, alafu bailuwi ye ndjo bakakelela ye ani balangaka. Ongoma aleko emboenaka wana a buto wale ta bao bibo. ¹³ Tambile amo, Baeki bakalembela mbo atobeka loka loya Yoani Bolufi. ¹⁴ Ekakomaka bo ta linginda, buto akayela ye la akatukumaela ye, ¹⁵ Akabeka mbo, Ngene okelaka wana ange ngandi; ambe la itimbei la itokusakusa ye likama, mala likama atokusama taimbe la baye. ¹⁶ Loyaka linde ambe Baeki bao, ndjo baikawisa ye. ¹⁷ Yesu akabinoisa mbo, ε bofindi boiti la limeli la bobee; lobe lino kota eni mbile? Lkandelenu botema kota eni mbile? Yooko linde eke embei. ¹⁸ Yesu akamamila ye la bolimo bobee akatomoa ambe ye la awinenge akauwa kota mbile amo. ¹⁹ La ongoma baeki bakaya ambe Yesu ta lofitchamo, bakabeka mbo: Loka loingi esu toikaengana otomoisa yamo? ²⁰ Ye akabeka libo mbo: Loka lo liimeli like lino. Kola ongoma lotobeka lino mbo: Yomba mbo otombai la liimeli kee yuma ii botchisha, otobekai la longo mbo: Kendaka fowaka eke kaaka ete la lotokenda. Lobeko ango lomoi loimboeta bofoka wino. ²¹ Ndjo kanda ene etotomowa ko la losembolo la lokilo bieka. ²² Ekakendaka bo ta Galilaya, Yesu akabeka libo mbo, Iyengani la wana a buto owanomo ta bao ba baito, ²³ La Batoita ye la lisiyo li asaso atofufuka. Bakamba la ngandi likama. ²⁴ Ekakomaka bo ta Kapalanauma, bakongoli ba Lindjandjaba Tepelo bakayela Petelo la bakabeka linde mbo, Boekesi wino aitolipa lindjandja? ²⁵ Akabeka mbo, oto!, aitolipa. Ekakomaka ye ta mbele, Yesu akabeka linde felo mbo, otoenyela ingi loka loye, Simona? Bekota be wenda batoosa lindjandja ambe lamba lilipi ambe ndai? Ta bana bibo lamba ta beenda? ²⁶ Akabeka mbo, ta Beenda, Yesu akabeka linde mbo, ongoma, bana bambe be bayundomu. ²⁷ Loka toifaka bo sooni, kaaka ta ngonge e libande la kusaka yuku la osaka suwe e felo ene otoita; likoaka bonoko winde laotoanya lopata, Osaka la faka libo loka liso abaele.

Chapter 18

¹ Ta mbile amo, baeki bakaya tina la Yesu, la bakabeka: Ndai ambe aeti bofi ta Bokota bo bose? ² Yesu, akata wana bokikelike akatae tina katikati ibo, la bakabeka mbo: ³ Lotobeka lino ta wewe mbo, yomba mbo oitokikowai loka lamba kee bana bakikelike, oitootai ta bokota bo bose. ⁴ Ye ndai atosuluwase kee wana bokikelike, ye atoeta omba bofi ta bokota bo bose. ⁵ Ye ndai atokuamela wana ta ene bomuna la lina liange, atokuamelei. ⁶ La ye ndai atokelisa amoi ta beke bakikelike bobbe, beke batoimielei, ifondo inde mbo litale lifi likandomu ta ngingo inde la akusomoko aiteni ee bolundu bo libande. ⁷ Ngandi la wenda loka lo ndjaso ii soni. Ndaso ii soni yeitooeno, la ngandi la buto ono atoesa yo! ⁸ Yomba mbo boo wao lamba likolo liao itokelisowe bobbe, tenaka yo, la kusaka yo esika lao. Ifoengana angoo ote ta liwawi kuelema ao etukulu la okusomo ta imbe ii layalaya ani ombe la bao baele la bakolo baele. ⁹ La yomba aleko mbo liso liao litokelisowe bobbe, tenaka lio, la kusaka lio esika lao. Iyengani angoo oota ta liwawi la liso limoi la mbo okusomo ta imbe ii Geyena ani ombe la baiso baele. ¹⁰ Kebakai mbo oienakai bule amoi ta beke bakikelike; Loka lotobeka lino wewe mbo bakeitomo bibo ta bose batoena mbile etotina bo mbo boya Afa ange ono ambe ta bose. ¹¹ Loka mbo Wana a Buto aye ndjo oyauwisa beke bakasesela. ¹² Otoenyela ingi? Yomba mbo buto ambe la bekoko mia, la amoi inde aosesela, oitotika tuku-libwa la libwa ta longo loka looka luka ono akaosesela? ¹³ Yomba mbo afoena ye, lotobeka lino ta wewe mbo atoomala loka linde koeta liomali li tuku libwa la libwa beke baikasesela. ¹⁴ Kola ongoma, yeiti lisangi liya Afaino ono ambe ta bose mbo amoi ta beke bakikelike asesela. ¹⁵ Yomba mbo nduku ao atokelowe bobbe, kaaka okabekana linde loka lo bobbe winde, enu linde eseke lomoi. Akao'okowe, otoosa nduku ao. ¹⁶ Yomba mbo aitookowe, osaka buto amoi ao baele loka mbo lobeko lamo loimilomo loka ta bonoko bo baeni baele ao basaso. ¹⁷ Yomba mbo aitooka bo, bekaka ta mbele Mungu; Akaofeka ooka mbele Mungu, ambeke kee mopakano la ono atokongolaka Pako (Bingbendele). ¹⁸ Lobeke lino wewe mbo, itotina ye oto kandai eke ta wenda, itokandomo aleko ta bose, la itotina ye otofungolai eke ta wenda, itofungolomo aleko ta bose. ¹⁹ Lotobeka aleko lino basiya mbo, yomba mbo baele bino batoimilana ta wenda loka lo'olengila leka lomoi, Afa ange ta bose atofa bo. ²⁰ Oko embe baele ao basaso eseke lomoi loka lo lina liange, lombe aiteni ibo. ²¹ Petelo akaya la akabeka linde, Ngene, mala yanga loengani omesila nduku ange yomba mbo akaowei bobbe? Mala basambale ii? ²² Yesu akabeka linde mbo, loibeki lao kota mala bosambale, kanga mala tuku bosambale la bosambale. ²³ Bokota bo bose bombe kee bokota ono akani baka atokomanya mbeko ii bekowa binde. ²⁴ Ekaakolakae otanga, bakayela ye la buto ono ambaka la bolima bo talata elefu liou. ²⁵ Ani eikambakae lolipo, ngene inde akalakae mbo baungise ye la boali inde, la bana binde la biongo bitotina bikambaka linde loka balipe bolima. ²⁶ Kola ongoma, bokowa akasuluwelae, akabeka mbo, fekei mwa mbile lotolioelowo itotina. ²⁷ Ngene inde akaokelae ngandi la akmesilae bolima wamo. ²⁸ Bokota wamo akatomowa la akaosha bokowa bosia, la kendisani linde, ono ambaka linde la bolima bo lopata miya. Akaundae ta ngingo, akabeka mbo, lipaka bolima wao! ²⁹ Ani kendesani linde akasuluwase, akalengila linde mbo: Fekei komi mwa mbile lotolipowe.

³⁰ Ndjo ye akafeka, la akaka okatika ye ta bonyololo tii kani elipaka ye bolima winde. ³¹ Ekaenaka bekowa kendisani linde le lobeko, bakaoka betema wale, la bakaka okabeisa Ngene ibo ye mbeko itotina ikawomo. ³² La Ngene inde akatae la akabeka linde mbo, eeh bokowa bobbe! Lomesilowe bolima bototina loka mbo olengilei limeeli. ³³ Eikaenganaka aleko laoo okela kendisani lao ngandi kanda emoi ani ekaokelekei owe? ³⁴ Ngene inde akasoma fafo, la akakesa ta baito baofoka tii kani akalipa blima winde bototina. ³⁵ Embowaka Afa ta bose ongoma loka lino yomba mbo otomesila ta betema bino buto la buto nduku inde.

Chapter 19

¹ Ekasila Yesu lobeko baoi be, akafowa ta Balilai la akaota ta botuku bo Yudeya, ta fangi ee Yaladene. ² Babule baumbakeli ye la akauwisa bo onga. ³ Bafalisai bakaya ambe ye, akapima ye la baoi mbo: Iyengani kofoya botaali la litina litotina? ⁴ Ye akabinoisa mbo: Oitakatangai mbo bokeli, akelaka bo botolome la botaali? ⁵ Akabeka loko mbo: Loka lo litina le, buto atotika ise inde la inango inde la atosondjamana linde la bo abaele batomba bindo bimoi. ⁶ Ongoma baiti ale baele baomba bindo bimoi. Ye ono Mungu aosila osola, tikakai buto ango amoi aikikoisaka yamo,.

⁷ Bakabeka linde mbo: Loka loingi Mose akalaka loka lo'ofaya ye lokasa loita libala la ofaya ye? ⁸ Akabeka libo mbo: Mose atike enu ofoyei bataali bino la bofoka ta betema bino, la ofowa ta felo-felo eitimba imbu ani. ⁹ Aotibeka lino mbo ye ono atofoya boali inde, loka lo bolefe, la akosonga boali bosiya ambe ono atokela ongoma aoshwa nyungo. ¹⁰ Baeki bakabeka linde mbo: Imba ongoma loa botolome la botaali, ye iyengani basongane! ¹¹ Ye akabeka libo mbo: Baito batotina baluwi otukumaela lioi, bo ango bakafayomo lio. ¹² Basiya bambe mikafili kota solo ii bainago bibo, la bambe ongoma mikafili be baito; la basiya bambe la mikafili loka lo bokota bo likolo. Tikaka mbo ono aluwi otukumaela lie, atukumaeleke lio. ¹³ Ongoma, bajaya ambe ye la bana bakikelike mbo atliye bao binde likolo libo loka asombole. Baeki bakamamila bo. ¹⁴ La ongoma Yesu akabeka mbo: Tikakai bainenge, baifekilaka bo loka mbo baye ambei. Loka mbo bokota bo likolo bombe wibo. ¹⁵ Akataliya bao binde likolo libo la bakafowa onga. ¹⁶ Moilaka, buto amoi akaya, akabeka linde mbo: Boekesi, boni bolo lokele loka lombe la liwawi li laya-laya? ¹⁷ Akabeka linde mbo: Loka loingi ofofelisei loka lo bolo? Amoi ambe, ye ono bolo. Imba mbo asami ambe la liwawi li laya-laya, akukeke bieke bikela. ¹⁸ Yesu akabeka: Oi'itaka, oitchwaka nyongo; oi'ibaka; oibekaka lilendelu libe; samaka ise ao la inango ao, ¹⁹ la banduku bao batotina. ²⁰ Wana amoi botolome akabeka linde mbo: Lo'olitisa ye itotina. Ingi ikombe ase? Yesu akabeka linde mbo: Iomba mbo osami oengana ta bolo, kaaka oungise itotina ye imbe lao la isiya ofe la bee baiti la leka la otomba la bieka bilitina bilokolo, la yaoko oubakelei. ²² Ekaoka wana lobeko lamo akafowa la ngandi loka akambaka la bieka bi bule. ²³ Yesu akabeka la baeki binde mbo: Lotobeka lino wewe mboimbe wale loka lo buto a bakute loka lo'ota ta bokota bo likolo. ²⁴ Lisiya lotobeka lino mbo: O'otisa la kamela ii lifola li liso li sindani imbe la lilewi loka llioti li buto a bakute ta bokota boya Mungu. ²⁵ Ekaokaka baeki onoma, bakamwala-mwala likama, bo mbo: Ndai, mia, aengani ouwa? ²⁶ Yeke akamoila bo la akabeka libo mbo: Baito baiyengani okela yamo, Mungu aengani okela yo. ²⁷ Petelo akabinoisa lioi, akabeka linde mbo: Moilaka, esu totike itotina to'umbakeli owe. Esu toto'anya ase ingi? ²⁸ Yesu akabeka libo mbo: Lotobeka lino wewembo: Lotokela kanikani, onga Wana a Buto atongala ta kiti inde ee bokota, enu bee okaosila oubakekelei otongalai aleko ta kiti ee bokoto lioi la yele loka'osambisei befindi liou la yele be Isalaele. ²⁹ Ye ndai akatika mbele, akatika banduku batolome, bawelo bataali, akatika ise inde la inango inde, akatika bana, akatika bilanga loka lo lina li'ange, ato'anya mala likama la ato'anya liwawi li laya-laya. ³⁰ La babule bee bambe mbisa batomba ba felo-felo.

Chapter 20

¹ Bokota bo'likolo bombe kee buto amoi ono ambaka la elanga lo vinyo akatomowa linga bakuwi be baengani okuwa ta elanga linde lo vinyo. ² Ye akaokana la baito bamo mbo lotolipe'enu buto la buto lopata lomi loka lolisiyo limoi,la akatoma bo ta elanga linde lo vinyo. ³ Akatomowa lisiya tambile eyasaso enongo,akaena baito baemali eseke lamo ndokela leka. ⁴ Akabeka libo mbo:Enu,aleko,kakuwekei ta elanga Lange lovinyo,lotolipe'enu yeke itoenga. ⁵ La bakakesamana,Akatomowa lisiya ta saa eliambe,la saa libwa akawa kanda emoi. ⁶ Ekatomowakaye ta saa elioula emoi mbisa,akanya basiya ongo,la akabeka libo:loka loingi otoemalai eke oto kokela leka? ⁷ Bakabinoiselaye:loka buto aikaosesu ta likuwa.Akabeka libo mbo:kakai aleko ta elanga Lange lo vinyo. ⁸ Ikakoma la likolase,Ngene alanga lo vinyo akabeka la kapita inde:takaa baito batotina balikuwa,lipaka bo,otowakola labeke lokaosaka bo mbisa,otungise la beke lokakolaka oosa bo. ⁹ Baito be bakookola likuwa ta saa eliou la'emoi,bakaya,la bakaosha buto la lopata lomoi. ¹⁰ Beke bakakaka likuwa felo bakaya,bakaenyela kembo batoosha likama koeta baito lobo,ndjo bakaosha aleko ango lopata lomoi buto la buto. ¹¹ Eosaka bo falanga,bakabeka beka la Ngene a'elanga. ¹² Bakabeka mbo:Beke bakakuwa ango saa emoi,la ofabo bieto liso kanda emoi liso beke tokakela lisiyo litotina sekala elowa. ¹³ Akabinoisela amoi ibo mbo:buchaki Lange,loikeli owe bohe,oiyokoni Lange ta lopata lomoi? ¹⁴ Osaka yeke iyengani Lao,loko lolangi ofa aleko beke bambisa kanda emoi Lao. ¹⁵ Loiyengani okela la bieto biyange ani esamilei?ombe la baiso babe loka lombe buto buto bolo? ¹⁶ Lambo baito bafelo batomba baito bambisa,labe bambisa batomba baito ba felo. ¹⁷ Mbile ekaka Yesu Yelusaleme,akaosa baeki liou la baele kobo angene akabeka lino tando ani, ¹⁸ Tene,lotoka ta Yelusaleme,la wana abuto atofomo la Bekota befi bekanga,la baandiki ba bikela,batoitaye. ¹⁹ La batokesaye ta Bakano,loka batosekaye,batoumaye,la bato kakemisaye ta lieka,ndjo batosekaye lisiyo liya asaso atofufuka. ²⁰ Inango abana baya Yebedai akaoshama tina la Yesu la eseke lomoi la bana binde,la akasuluwa la baluwi felo inde,loka lolengila leka lomoi? ²¹ Akabeka linde:olangi ingi?akabinoiselaye mbo:lombe layeme mbo bana bange baele beke,bangali ta Bakota wao,amoi ta boo bolome asiya ta boo wao bo boali. ²² Yesu akabinoisa mbo: oiluwi yeke otolengilai,oengani omwa ene lotomwa?toengani omwa,bakabinoiselaye ongoma. ²³ Yesu akabinoiselabo: oengani omwa kopo ene lotomwa,ndjo loka loyeke iyongala ta boo wange bolome la boali,yoko yeimoili ei,yoko imbe loka lobeke ikaosila okomanyelomo loka libo la Ise ange. ²⁴ Mbile baeki lioi basiya,baokaka ongoma,bakasomela kendeseni bibo baele. ²⁵ Yesu akatabo lioi,la akabeka:oluwi mbo Bekota be baito batofa'bo bikela ani etokelaka bekota,la baito bafi baselibo sekala ibo. ²⁶ La yeke yeitomba aiteni ino ongoma.Ndjo ono ambe la yeme iomba bofi,aengani omba bokowa wino, ²⁷ La ono alangi omba buto afelo ambenu,aengani omba bokowa wino. ²⁸ Aniki ndjo wana abuto aye,aiyeli loka bakuwele ye,ndjo loka akuwele la aose liwawi linde kee liyendelomu loka lobaito likama. ²⁹ Tambile bafoaka ta Yeliko,linginda lifi libaito bakatuta Yesu. ³⁰ Tene,betuku biele,bangalise Tina la ndole,bakaoka mbo Yesu atoeta,la bakamama:okelekesu ngandi,wana aya Tawiti! ³¹ Linginda libaito likama bakafekila'bo loka bangali hai,ndjo bakamama likama,Ngene,wana aya Tawiti,okeleke'su ngandi! ³² Yesu akaemala,akata bo lioi,la akabeka:olongi mbo lekele'enu ingi? ³³ Bakabinoisela ye mbo:baiso biso balikolame,toene. ³⁴ Akaokela bo ngandi,Yesu akaunda baiso hibo,kotambile amo,bakaena lisiya,la bakatutaye.

Chapter 21

⁴ Yeke ikomé loka loenganisa yeke inangolomoko la Botondoli mbo: ⁵ Bekaka la wana botaali bo Siona mbo: tene, Bokota wao atoya ambowe, ye ambe la botema bo losamo, atongala likolo li bokoko, ongalase likolo li wana a bokoko. ⁴ Yeke ikomé loka loenganisa yeke inangolomoko la Botondoli mbo: ⁵ Bekaka la wana botaali bo Siona mbo: tene, Bokota wao atoya ambowe, ye ambe la botema bo losamo, atongala likolo li bokoko, ongalase likolo li wana a bokoko. ⁶ Kolaongoma Baeki bakaaka, la bakakela ani Yesu afaka bo ishosh. ⁷ Bakaya la bokoko, la wana inde, bakata tulu ibo ta nyele laye akalila likolo. ⁸ Likama li baito ta linginda bakakendja tulu ibo ta ndole, basiya bakatena bikende ii tosendu la baka kenjda yo tandole. ⁹ Likama li baito beke bambaka felo inde la be bambaka mbisa inde batotuta ye, bakamama mbo: Osana la wana aya Dawidi! Asimolomoko ono atoya ta lina liya Ngene! osana ta biseke biyeti likolo. ¹⁰ Mbile eotaka Yesu ta Yelusaleme, boki bofi bototina bokamwala la boka bilima, bakabeka mbo: Buto ono ambe ndai? ¹¹ Linginda li baito likabeka mbo: imbbe YESu, botondoli, bo boki bo Nasaleta. ¹² Yesu akaota ta Tepelo eya Mungu. AKasaya batotina be bambaka batoungisa la batosomba ta Tepelo; akakikola mesa i beke bambaka batoetekanisa falanga, la bingaelo bi beke baungisaka tokuku. ¹³ La akabeka libo mbo:isonomu mbo,mbeie ange etotomo mbele e basomboli;ndjo enu okelai amo esilo lofanga ii biiba. ¹⁴ Betuku la baito bakaobuneya bakolo, bakaya tina linde ta Tepelo. ¹⁵ Bekota befi be kanga la baandiki ba bikela bakasoma loka loena mbeko ii limwali yeke Yesu akelaka, la bainenge batomama aiteni ii Tepelo mbo: osana la wana a Dawidi! ¹⁶ Akabeka libo mbo: otokai ani etobeka bo? Ee, bakabinoisela Yesu ongoma. Akabeka libo: oitaka tangai ani ikasonomo ta lokasa baioi be mbo: osilai otomoisa losimolo ta benoko be bainenge labeke batomwa balomi? ¹⁷ Mbisa iyonga, Yesu akati bo; atomowa ta Boki bofi loka looka ta Betaniya eseke leke aenyelaka ko lotiyo. ¹⁸ Elengo laningo,oko ebinowaka ye ta boki bofi,akaoka semba. ¹⁹ Akaena isandu ii mosuketina landole, Akashusama tina, ndjo aosha ango ngoto Koyokoyo, la akabeka la isandubo :oimbobota ale yuma lisiyo ango limoi, Mangumangu isandu ii mosuke ikaomela. ²⁰ Ekaenaka baeki ongoma, bakamwala fafo ,la bakabeka mbo: Eni kanda isandu ii mosuke ifoemela la malaemoi ani? ²¹ Yesu akabinoisela bo mbo: Lobeka lino la wewe, okambai la limeli la ndoena fiye, otokelai oeta yeke lokakela ta ye isandu imosuke, la otobekai la Longo: fowaka eke, kusamaka ta Libande lifi,la itokelemo ongoma. ²² Itotina yeke otolengilai la liimeli tandole e lisomboli otooshai yo. ²³ Yesu akaota ta Tepelo, la akaekisa ,beku mi befi bekanga la Bakumi bakaya tiina linde,la bakaiyola mbo: Otokela mbeko la eni ki bokota? la ndai aka fayowe we bokota? ²⁴ Yesu akabinoisela bo mbo: Ei aleko lolangi ofel'enu lobeko lomo, okaf'ei limutoli, ndjo Ei kof'enu limutoli lotekela laboni bokota. ²⁵ Lilufi liya Yoani lifowe ambe Mungu lamba ambe Baito? Bakaenyela boangene mbo,tokaobeka mbo lifowe ambe Mungu, Ye kobeka liso mbo loka loingi oikaimilai ye?

²⁷ Ndjo b akabinoisela Yesu mbo: toiluwi. la akabeka libo : Ei aleko loiluwi, loitebes'enu ta boni bofoka lotowa ye mbeko. ²⁸ Otoenyelai iingi? Buto amoi ambaka la Bana botolome baele; Akabeka la ono afelo :Wana ange, kaaka okakuwa laboni ta elanga lange lokunde. ²⁹ Akabinoisela ye mbo: loilangi,mbisa, akakikola botema, la akaaka. ³⁰ Akabeka la onomoi, akabeka linde lobeko lomo : Wana oko akabinoisa mbo;loilangi,Ngene,aikaaka. ³¹ Ndai ambe bo abaele akakela lisangi liya Afa. bakatomoisela ye mbo;ono afelo. la Yesu akabeka libo;lobeka lino ta wewe,balipisi ba lindjandja la bataali ba bofe batota ta bokota boya Mungu felo ino. ³² Loka Yoane aye ambenu oya'enisa ndole ee liyengani,ndjo baikaimi laye.balipisi ba pako la bataali ba bofe baimile ye,mbisa iyo'ena mbeko yamo,oikikoli botema loka loimiliya ye. ³³ Okakai bombila bosiya;buto amoi alobaka elanga lo vinyo,akakela likula,akakela likemba lo eyamelo lo vinyo, la akakela mbele loka lomoila elanga lamo.akaokamana la bakuwi ba vinyo loka lo lilipi libo litouma, la akaka lokendo. ³⁴ Tambile enganaka loka lobuna tuma,aktoma bekowa binde ambe bakuwi ba elanga lo vinyo loka loosa ekende linde lo yuma. ³⁵ Bakuwi ba elanga lo vinyo,bakaunda bekowa bino,bakakucha amoi,bakaita onomoi la bakaita onomoi asaso la babuki. ³⁶ Akatoma bekowa besiya,likama koeta be bafelo,la bakuwi ba elanga lo vinyo bakakela'bo kanda emoi. Ta liko,akatoma wana inde angene ambe kee mbo botolisa ye. ³⁸ Ndjo,tambile enaka bakuwi ba elanga lo vinyo wana amo,bakabekamana mbo;tene ngene a labondanda,yokoi,toitei ye,la elnga lotomba liso, ⁴⁰ Yesu akaiyola bo tambile etoya ngene a elanga lo vinyo,atokesa isiya ta bobakuwi ba elanga lo vinyo, ⁴¹ Bakabinoiselaye mbo;atoita baito bamo babe,la atofa elanga lo vinyo la bakuwi basiya beke batofaye ekende linde lo yuma ta mbile ene engani. ⁴² Yesu akabeka libo mbo;oikatangai ta tosiyo mbo;litale liye baito batooshwa mbele bakakusa liombo litale lifi ta tunga embile.Tene lobeko ngene akawa,ndjo yomba lobeko lo'limwali ta baiso bino, ⁴³ Kalayamo,lobeka lino,bokota boya Mungu botofowa ambenu loka lofomo la bofindi we batobota mbeku. ⁴⁴ Ono atokpela likolo li litale liamo atobuneya,la litale liamo liokpase likolo libuto,la litobuna ye kpee kpee. ⁴⁵ Ekaokaka bekota be kanga ifi la Bafalusi be bembila,bakaluwa mbo Yesu akambaka ndjo atobeka loka libo. ⁴⁶ Bakaluka eni ndole batoundaye,ndjo bambaka batobanga linginda libaito beke bambaka batoena Yesu kee botondoli.

Chapter 22

¹ Yesu akabeka lobo lisiya la bembila,la akabeka: ² Bokota bo likolo bombe kee bokota ono akwa liomali li libala loka lo wana inde botolome. ³ Akatoma bekowa binde loka bate beke bakatoma ta liomali lilibale,ndjo bakafeka oya. ⁴ Akatoma bekowa besiya,la akabeka mbo: bekaka la baito be bakatomo mbo: losila okomiya liomali liange,lifoi ta ngombe lanama ii'baina,itotina imbe,yokoi ta liomali li libala. ⁵ Baito be batomoko,baikaenyela anga iniyo lotomu liamo,bakaka okawa mbeko ibo,amoi ta lounghiso, ⁶ La basiya bakaunda bekowa,bakamola'bo,bakaita'bo. ⁷ Bokota akasoma,akatoma basilikani binde,bakaita bo baiti ba baito,la bakafeka bokiwi wibo bofi. ⁸ Akabeka la bekowa binde mbo: liomali lilibala liomba tina,ndjo bato batomu baiyengani. ⁹ Kakai ta ndole,takai loka lo liomali li libala baito batotina beke otooshai. ¹⁰ Bekowa bakaka tandole,bakaoshamanisabo eseke lomoibabe la balo la baito balo,lambebe eliomali li libala likawala la baito. ¹¹ Bokota akaota loka lomoila beke bambaka ta mesa,la akaena elo buto amoi ono aitibata tulu ee liomali lilibala. ¹² Akabeka linde: nduku ange,eni kanda okaota eke ani obati tulu ee liomali li libala?Buto amo akakanda bonoko. ¹³ Bokota akabeka la bekowa mbo: kandakaiye bakolo labao,la kusakai ye ta lilima li lousa,elo embe bileli la lisiyo lo baino. ¹⁴ Loka bekebakatomo bambe likama,ndjo bachakolomo bakachakolomo bambe bake. ¹⁵ Bafalusi bakaka okatowamana la baenyeli mbo baengani okpesa Yesu tandole ee baai binde angene. ¹⁶ Bokatoma baeki bibo basiya la baito ba ikumbe iya Elode,bakabeka mbo: Boekesi,toluwi mbo ombe la wewe,loka otoekisa ndole eya Mungu ta wewe,la oiti la bowa tayeke baito batoena Yelisa,la oitomoila lousa lobaito. ¹⁷ Beiseke'esu,oenyelise isani ta lobeko le:Iyengani ao yeiyengani lolipo mpako ampe Kaisala? ¹⁸ Yesu,akaluwa baenyeli bibo,akabinoisa:loka loingi enu otokotei,baito ba lolanga? ¹⁹ Enisekei bieto biye batolipa la lindjandja.bakaenisa ye bieto bimoi. ²⁰ Akaiyolabo:bombo la lina liye likasonomo limbe liya ndai? ²¹ Bakabinoiselaye mbo: boya Kaisala la akabeka libo mbo:fakai iya Kaisala ambe Kaisala la iya Mungu ambe Mungu. ²² Ekaokaka'bo limutoli,bakamwala,bakatikaye,la bakaka libo ²³ Kota lisiyo liamo,basadokai beke bambaka batobeka mbo lifufukomu liyeitomba,bakaya tina la Yesu,la bakaiyolaye ani: ²⁴ Boekesi,Mose akabeka mbo buto akaongba oto kotika bana,nduku inde otosonga boali inde,loka abote linde bana loka loya nduku inde. ²⁵ Banduku bosambale bakambaka liso,ono afelo akasonga,la akanbga,aikatika bana,la akatika boali ambe nduku inde. ²⁶ Imbaka aleko ongoma ta ambe nduku ono a baele,la ono a basaso kota bo atotina bosambale. ²⁷ mbisa ibo batotina,botaali akangba aleko. ²⁸ Ta lisiyo lifufukomu,atomba boali a ndai ta bo bosambale?loka batotina basongeye. ²⁹ Yesu akabinoiselabo mbo: ombei ta lichanelo,loka oluwi tosiyo,lamba bofoka boya Mungu. ³⁰ Loka,ta lifufukomu,batolome la bataali baitosongana,ndjo batotina batomba kee Bakitomo baya Mungu ta lobola ³¹ Loka ye imbe loka lo lifufukomu li bangbei,oitakatangi ani ekabeka Mungu lino mbo: ³² Lombe Mungu a Abalayamu,Mungu a Isaka,la Mungu aya Yakobo? Mungu aiti Mungu a bangbei,ambe ndjo Mungu a baito be bambe la liwawi? ³³ Linginda libaito lieke limbaka litokaye,bambaka batomwala likama loka lo liekisomu liya Yesu. ³⁴ Bafalusi bakaluwa mbo Yesu aokanda bonoko bo basadokai,bakangala eseke lomoib. ³⁵ La amoi ibo,Baekesi bo bikela,akaiyola le lofelo,loka lokotaye. ³⁶ Boekesi,loni ekela lombe lofi koeta itotina? ³⁷ Yesu akabinoiselaye mbo: otosama Ngene Mungu,ta botema wao bototina,ta bolimo wao bototina,la ta boenyeli bao batotina. ³⁸ Ene ndjo ekela lofelo lofi. ³⁹ Tene ekela lobaele,otosama nduku ao kee ani osami oweangene. ⁴⁰ Tayo bikela biele biundi bikela bototina la benangoli betotina. ⁴¹ Tambile Bafalusi baoshamanaka eseke lomoib,Yesu akaiyola bo ani, ⁴² Otoenyelisi ingi loka loya Kilisito?ambe wana aya ndai? bakabinoiselaye mbo ambe wana a Tawiti. ⁴³ Ndjo Yesu akabeka libo: loka loingi ewalakaye lo bolimo akataye mbo,Ngene,tambile ebekakaye mbo: ⁴⁴ Ngene aobeka langene mbo: ngalakase,ta boo wange bolome,kota ani etokelei mbo baiyani bao bambe sekala ibakolo bao? ⁴⁵ Yomba kembo Tawiti atotaye Ngene,eni kanda aengani omba aleko wana inde? ⁴⁶ Buto anga' amoi aikaengana obinoiselaye lioi,la kota lisiya liamo,buto anga amoi aikafelakaleye felo.

Chapter 23

¹ Kola ongoma Yesu, akabeka la baito likama la baeki binde, akabeka mbo: ² Basoni la Bafalisai bangali se ta enangoelo loya Mose. ³ Kelakai la moilakai ye itobeka bo; la oikelakai osamisa bakuwa bibo. Loka mbo batobeka, la baitokela yo. ⁴ Bakakanda belito bakaeta, la kota batotoko la batolome, kola ongoma baikasama ango inekele iumane la yo. ⁵ Batokela bakuwa bibo batotina loka baenene kee baito. Kola ongoma, bokotola pilatele efi-efi, la bambaka la ndembe esa esa ta tulu ibo; ⁶ basami eseke lomoui lofelo-felo ta Fesetina, la engaelo lofelo-felo ta mbele eya Mungu; ⁷ basamaka ofayomo kalibo ta biseke bi baito babule, la otomo la baito Labi, Labi. ⁸ Enu oitotomoi Labi, loka koamoi ango ambe Boekesi wino, enu atotona ombei banduku. ⁹ Ndo tai buto Afa eke ta wenda, loka amoi angoambe Ise ino, ono ambe ta likolo. ¹⁰ Ndo tomoi aleko Bangene, amoi ango ambe Ngene ino, ye Kilisito. ¹¹ Ono ambe bali aitenii ino atomba bokuwi wino. ¹² Ye ndai amboemalaka amboseisomoko, la ye ono atoseisomo amboemalisomoko. ¹³ Ngandi lino, basoni la Bafalisai baimi-imi! Loka mbo o'okandai baito loka lo bokota bo bose; oimbotai enuangene, la oimbotikai o'ota tabe bambe la yeme iota. ¹⁴ Ngandi lino basoni la Bafalisai baimi-imi! Loka mbo ofotai ta mbele ii bataali be bakaongbela batolome, la enu kokela la lolimboko basomboli basa-asa; loka lo yamo, otosambisomoi likama. ¹⁵ Ngandi lino basoni la Bafalisai baimi-imi! Loka mbo otokai mangu ta baye la ta nyele loka okelei Poloselite; la, ta mbile eyaka ye, okakelai wana amoi aya gehena mala ye keotenu. ¹⁶ Ngandi lino, basoni felo ba bangbei baiso! Ndai atobeka: Yomba mbo buto amoi alape ta tepelo, aikeli leka; kola ongoma, yamba mbo buto amoi alape loka aiwama atosomo ta likuwa. ¹⁷ Baotchango weli la bangbei baiso! Ndai aeteli bofi, litale liongala-ngala, la tepelo ene etotaanisa litale lingali-ngali? ¹⁸ Yomba mbo buto amoi, aobekele'nu lisiya, lolapo ta enangoelo, yeiti ango leka, kola ongoma, yomba mbo buto amoi aolapa loka lo lifaefi, lie limbe ta enangoelo atosomo ta likuwa. ¹⁹ Buto akaongba baiso! Ini ndjo imbe ifi, bafaefi, lamba enangoelo la totoanisa lifaefi? ²⁰ Ye ono atolapa ta enangoelo alapeke ta enangoelo la batotina bee baiteli ale lla baenyeli; ²¹ ye ono atolapa ta tepelo alapeke ta tepelo la bee atouwa libo eseke lomoi; ²² ye ono atolapa ta lobola alapeke loka lo bokota boya Mungu la ye ono angali se. ²³ Ngandi lino basoni la Bafalisai, baimi-imi, loka mbo otolipai imoi ta liou la lilimbi, la otolikai ye imbe la litina lifi-lifi ta ekela, la boengani, la ngandi, la wewe: Yamo ndjo iyengani lino okela, ndolengetanisa bieka ango bimoi. ²⁴ Baandi felo ba bangbei baiso! Ndai achoweya tokoka, la ndai akamela kamela. ²⁵ Ngandi lino, basoni la Bafalisai baimi-imi! Loka mbo ototanisai eseke lo bolelamu la lolalise, la aiteni bawalisomo fuu bee baiti la botema bosa. ²⁶ Mofalisai bongbeli baiso! Taanaka mala ee felo-felo aiteni ii eseke lo lolalami la ndoena longo, ta mbo bee balousa loka baye batanisomo. ²⁷ Ngandi lino, basoni la Bafalisai baimi-imi! Loka mbo enu o'osondjamanai la mbeko ibe, itoenena bolo ete lousa, la bandai, aiteni, bambe fuu la bangbei la tonanamatohe tototina. ²⁸ Enu aleko, ete lousa, ofaanana la baito, kola ongoma, aiteni, ombei fuu la limai-imi la losuwano. ²⁹ Ngandi lino, basoni la Bafalisai baimi-imi! Loka otolufiai ndembe baengani, ³⁰ la mbo enu otobekai: Yoma mbo enu ouwakai ta mbile ee baise biso, la toitofaya bo fofe mbo bakande linga la ngelo ii banangoli. ³¹ Enisakai oemaela enu angene mbo ombei bana babe baitaka banangoli. ³² Talimanakai la bakuwa ba baise bino. ³³ Fele, kee fele ee bangala! Loka loingi otoisamai ta lisomi li gehena? ³⁴ Loka lo ongoma, moilakai, loto'totomele'nu banangoli, beke baweli la basoni. Omboitakai bo la oto'omelisai bamoi, otoumai basiya totumbo ta mbele eya Mungu, la otokuchai bo lousa lo beki befi la ta beki befi, ³⁵ loka mbo itokpa likolo lino batotina ngelo ii bee baikeli lobeko, ngelo ii bo outama se ta nyele, kota ngelo iya Abeli ono aengani kota ngelo iya Sakayo, wana botolome aya Balasi, ono oitakai ye ta tepelo la enangoelo. ³⁶ Lotobeki lino wewe, yo itotina ikpelakase likolo li we bofindi. ³⁷ Yesusaleme, Yelusaleme, bandai bakaita banangoli la bakauma bo babuki bee batomelomoko bo, mala yanga losamaka osondje'nu bana bino, kee koko osondja bana binde sekala ii bapapu binde, la oikalangakai! ³⁸ Moilakai, mbele ino itotikala kee liombe; ³⁹ Ta mbile, lotobeki lino, oimboenenai ale lisiya, kota mbile etobeki'nu: Auchelomoko ono atoya la lina liya Ngene!

Chapter 24

¹ Ani Yesu akaka, otomowa ta tepelo, baeki binde bakasusama loka akele ndembe ii lishomu. ² Akabeka libo: Oto'enai yo itotina? Lotobeka lino wewe, yeimbotikala eke litale likolo li litale yeimbokikoisomo. ³ Angalaka se ta Longo lo Oliviye. La baeki bakaena ye atokela ofelisa baito: Bekaka liso, yamo itokomele'su ta eni mbile, la itomba la eni ndembe embo'enisomoko ta losilo lo wenda? ⁴ Yesu akasanalo bo: Chungakai kembo butgibungiseke'nu. ⁵ Loka baito babule batoya mbisa ii lina liange, obeka: Ei ndjo Kilisito. La batoseisa baito babule. ⁶ Oto'okai bo obeka mbo bitumba la iyeli ii bitumba: Kukamanakai loka oiyeayanakai, loka mbo ndjaso yamo ikome. Loka mbo yeimbo mba koni la liko. ⁷ Boki bomoi botoemaela boki bosiya, la bokota bomoi botoemaela bokota bosiya, la itomba la eseke lomoi ani, lotukiso lotomba la semba ta nyele. ⁸ Itotina ye itomba liakolo lo bemusi. ⁹ Kola ongoma batotike'nu ta bemusi, la batotike'nu ongbei; la oiyamanei la beki betotina, loka lo lina liange. ¹⁰ La ongoma baito likama batosondjamana, la batositokowe, batoiyana lao bamoi ta basiya. ¹¹ Banangoli likama babe batoemala, la batoseisa baito likama. ¹² La, lokambo lotchwano lotomba, ilitisa ii botuku bo likama botomba la bofiyo. ¹³ La ono atomba la bofilili kota liko atouwa. ¹⁴ Mboli ilo ii bokota boya Mungu imbonangolomoko ta wenda bototina, loka lobaenise lilendelu ta wenda bototina. La ongoma liko litoya. ¹⁵ Loka lo'ingi, oko emboeneke'nu libimbi li ngandi, ani ebekaka bonangoli Tanyele, otaliomo ta eseke lotanu, mbo ono akatanga ekele la libangi! ¹⁶ Ongoma, bee bambombaka ya Yedeya batokimbiya ta longo; ¹⁷ ono ambombaka likolo li balele aimbosuluwa loka aose ye imbe ta mbele inde; ¹⁸ La ono ambombaka ta bilanga aimbobinowa ale lambisa loka ayaose koti inde. ¹⁹ Ngandi la bataali ba baeme la beke bambomwesaka ta be basiyu! ²⁰ Sombolakai mbo lokimbiyo lino loikomaka ta hivelia, ango ta lisiyo li Sabata. ²¹ Loka mbo, ngandi itomba ifi ta beke baitakaenaka we bomuna kota liakoli li wenda tiii kota kwani, ²² la, yomba mbo basio baiti, buto ango amoi aitouwa; loka, lo bachokolomu, bee basiyu batomba bachokolomu. ²³ Yomba mbo buto akaobekelo mbo Kilisito ambeke, la: Ambe onga, oi'imilaka. ²⁴ Loka mbo atoemalisa Kilisito ono bobo la banangoli babe-babe; batokela tokesa tofi-tofi la loka baseise baito, yomba mbo baengani, kola bachokolomu. ²⁵ Moilakai, lobeiseke'nu ko'felo. ²⁶ Yomba mbo batobeka lino: Moilakai, ambaka ta liombe, oikaka; moilakai, ambe ta bikende bi mbele, oi'imilakai. ²⁷ Kola ongoma, ani engala-ngalaka yo ta etomoelo lo lowa la oenisa kota elalelo lo lowa, yeke ndjo itomba tokesa to Wana a Buto. ²⁸ Ta eseke lomoi lotomba beliyo, elamo, etosondjamana noli ii tale. ²⁹ La mangu mbisa ii basiyu ba ngandi, lowa lokamba la lilima la bondofa ndoena ale liangangi, tolonge totokpa'se ofowa ta lobola, la befoka be bose betoma tale. ³⁰ Kola ongoma ndembe eya Wana a Buto etoenena ta lobola, beki betotina be nyele betolela, emboenaka bo Wana a Buto oya ta liumba li lobola la bofoka la taala ifi. ³¹ Atoenisa bekitomo binde la fanda ii lioi likama, la batosondje'ela ye bachokolomu bindi mia inati, kota lifaa li bosa ta lifaa lisiya. ³² Ekisomokoi oengana ye iyosomu ta isandu. Loka mbo betaa binde beoya se, la mbo ngoto yo'otomowa, otoluwai mbo mbile inde eomba tina. ³³ Kola ongoma la ongoma, mbile etoene'nu ye ndjaso enyelakai mbo Wana a Buto aomba tina la boinda. ³⁴ Lotobeka lino wewe, we bofindi boimboeta ango imoi, ani itotina yeitokakoma. ³⁵ Lobola la nyele imboetaka, la ongoma baai bange baimboeta ango imoi. ³⁶ Loka lo bee ba lowa la ba mbile, ango amoi aluwi, ango bekitomo ta bosa, ango Wana, kola ongoma Afa ye angene aluwi. ³⁷ Yeke ikomaka ta mbile eya Nowa itokomele'nu oongoma etoya Wana a buto. ³⁸ Ta basiyu ba fela fela embaka baito balaka, bamwaka, basonganaka la basongisa bana bibo, kota lisiyo Nowa aotaka ta lisuwa; ³⁹ la baikaemaela la leka, ango lomoi, kota mbile eyaka fela ekatala bo batotina: Itomba ndenge emoi emboyaka Wana a Buto. ⁴⁰ Kola ongoma, baito baele batomba ta elanga, amoi ato'osomo la anomoi atotikala. ⁴¹ Bataali baele batolamba ta mbele, amoi atoosomo onomoi akotikala. ⁴² Umbakelakai, loka mbo oluwii lisiyo lie litoya la Ngene ino. ⁴³ Luwakai yo la weli, kembo boekesi bo mbele koluwaka mbo wiba botoya oya iba ye, ani atokuka la ani aitotika loka imbe mbele inde. ⁴⁴ Kola ongoma, enu aleko, mbakai tina, ta mbile etoya Wana a Buto ta mbile ene oitoenyelai ango. ⁴⁵ Oni ase bokuwi bolo-bolo la kalakala, ono boekesi akata ye likolo li be baito, loka lofaya bo biega ta mbile e'engani? ⁴⁶ Limengo la we bokuwi, ono boekesi winde, ta lokomo linde, owanya atokela ongoma! ⁴⁷ Lotobeka lino wewe, atotaliya likolo lino batotina bieke biega. ⁴⁸ Kola ongoma, yomba mbo imbe bokuwi bomoi bo tale, atobeka ye angene: Boekesi wange atoya la imongi, ⁴⁹ yomba mbo atonana la kendisani inde, akaola la akaomwa baana la balewi, ⁵⁰ boekesi bo bokuwi botoya lisiyo lieke amboka ango la mbile aimboluwa ango. ⁵¹ Ambo ambaka la biongo betuku be betuku, akofaya ebinde la loimo-imo: Elamo etomba la bileli la obunaka baino.

Chapter 25

¹ Kola ongoma bokota bo bose botomba kanda emoi kee bombila bo baseka liou be baundaka tala ibo, batoko oka'anyamana la bolome bo libala. ² Liondo aiteni ibo bambaka seka, la liondo ba weli. ³ Seka, ounda tala ibo, baiyundi anga iniyo ii baina libo. ⁴ Be baweli bakaunda, tala ibo, la baina ta ebongo. ⁵ Ani bolome bo libala, batotina bakakpa ilo. ⁶ Aiteni ii lotiyo, bakamama: Ye ono bolome bo libala, kaka ta litoani linde! ⁷ Kola ognoma baseka ba weli bo batotina bakalingowa, la bakakomanya tala ibo. ⁸ Bee baseka bakabeka la bee ba weli: Fayeke'su baina bibo, loka tala iso yo'otiyama. ⁹ Be ba weli bakamutola: Oto; yeiti loka liso lino; kakai la mangu ta baungisi ba baina, la osombe loka lino. ¹⁰ Ta mbile ekaka bo okasomba, bolome bo libala bokakoma; beke baumbakelaka ye bakaota linde ta eseke lo lipati li libala la boinda bokakandomo. ¹¹ La mangu, basiya bakakoma, la bakabeka: Boekesi, boekesi fungoleke'su. ¹² Kola ongoma akabeka: Lobeke lino wewe, leiluwi enu. ¹³ Chungakai koni, loka enu oluwii lisiyo, la mbile. ¹⁴ Itomba kee botolome, bomoi, oka lokendo ataka bokuwi winde lioi, la akofoya ye biongo binde. ¹⁵ Akafaya befono liondo ta amoi, yele ambe asiya, la emoi ta ono a basaso, ta buto la buto oengana la bofoka winde, la akaka. ¹⁶ Kola mangu, ono a'anyaka liondo akaka, lla aka'anya befono besiya liondo. ¹⁷ Kanda emoi, ono aka'anyaka yele, aolonga baele basiya. ¹⁸ Ono aka'anya leka anga lomoi aoka okabusha likemba ta nyele, la oisaka bieto ambe boekesi winde. ¹⁹ Yumwa mbisa, boekesi bo bokuwi oya, akaenisa ye bieto biamo. ²⁰ Ono oka'anyaka namuna liondo akasusama, akatola namuna isiya liondo, la akabeka: Boekesi, ofei namuna liondo, moilaka, lolonga liondo isiya. ²¹ Boekesi winde akabeka: Imbe bolo la bokuwi bolo; ono ambaka bolo ta mbeko, lotoisa likama ambo we; aiteni ii liomali liofa boekesi wao. ²² Ono aoshaka yele akashushama loko la akabeka: Boekesi, ofayei namuna yele; moilaka, lofoanya yele isiya. ²³ Boekesi winde akabeka: Imbe bolo bokuwi wange bolo; ombaka la momongo ta mbeko isiya, lofayokowe likama; aiteni ii lioma liya boekesi wao. ²⁴ Ono aika'anya anga akashushama lisiya, la akabeka: Boekesi, lokaluwaka ombe bolome bo bofoka, otobuna eseke le loilobomu, la otota'anisa ani oitaka ta lungu; loka lo ofufola; ²⁵ losianya bowa, la loka okaisa namuna ao ta nyele; moilaka, osaka ye imbe ambowe. ²⁶ Boekesi winde bokatoma ye: Bokuwi bo tale boiluwi leka, oluwi mbo lobune ani yeikalobomo la mbo otaanisa ani yeitelemu ta lungu; ²⁷ iyengani lao obinoise bakute bange ta ekukelo, la lobinowo lange, lotoosa ye imbe yange la botaliya. ²⁸ Fayaka yenamuna, fayaka ye ono ambe layo liou. ²⁹ Ta mbo ofayaka ambe ono abe la yo, la atomba layo likama, ambe ono aiti layo totofaya kanda emoi ambe ono ambe layo. ³⁰ La bokuwi aiti la litina, kusakai ye ta lilima li lousa, elamo etomba la bileli la lobuno-buno lo baino. ³¹ Ta mbile etoya Wana a Buto ta talaa inde, la bekitomo betotina, atongala se likolo lin kiti ee bokota winde la talaa inde. ³² Beki betotina besongana felo inde. Atoana bamoi la basiya, kee bokuki bekoko la mbuzi; ³³ la atosela bekoko ta boo bolome, mbuzi ta boo boali. ³⁴ Bokota atobekala be batomba ta boo winde bolome: Yakoi, eni bee oka'anomoi la Ise ange; osaka kanda ee bokota boya Mungu weke akanyele'nu kota liako li wenda. ³⁵ Loka mbo lofoka semba, la okafayeni bieka biola, la okatukumaelei lisiya; ³⁶ lombaka lofona la enu ndjo okabatiseni tulu; lombaka la wale enu ndjo oyakai oyamoileni, lombaka ta bonyololo, la enu ndjo oyakai ambeni. ³⁷ Baengani bakasanolaye: Ngene, ta eni mbile tokaenekowe la semba, la tokafoyo we biola; la lema lo baye, la lokafayowe bye? ³⁸ Ta eni mbile tokaenowe boenda, la tokatumaelowe; la lofona, la tokabatisowe tulu? ³⁹ Ta eni mbile toenokowe la wale, la tabonyololo, la lokaya tina lao? ⁴⁰ La Bokota akasanola bo: Lotobeka lino wewe, limoli litotina lie okakelai ba bie biongo ta ye ikikelike ta banduku bamge, loka lange ndjo okakelai. ⁴¹ La ongoma akabeka la bee batomba ta boo winde bo boali: Fowakai tina lange, bakeli ba bobee; kakai ta imbe yeke Mungu akomanyelaka baito babe la bekitomo bibo. ⁴² Ta mbile o'okekei semba, la enu oitifayeni biola; lokamba la lema lo baye, la ofeli ei baye baomwa; ⁴³ lokambaboenda, la okatumaeleni; lombaka lofona, la oitibatiseni tulu; lombaka la wale tabonyolo, la oitiyai oyamoileni. ⁴⁴ Bakamutola ye loko: Ngene, ta eni ase mbile ekesu oenowe la semba, la lema lo baye, lamba boenda, lamba lofona, lamba la wale, lamba ta bonyololo, la toikaya oya moilowe? ⁴⁵ La akasanola bo: Lotobeka lino wewe, liimeli litotina oikakelai ye mbeko ta amoi ono etungani olange, loka lange oikelii bo leka anga lomoi. ⁴⁶ La beke batoka la mateso ba laya-laya, ongoma baengani ta liwawi li laya-laya.

Chapter 26

¹ Mbile esilaka yesu linagoli litotina, akabeka baeki binde. ² Oluwi nbo yenga ilyeti imbe ta basiyo baele, la mbo wana abuto atotikelomo mbo baite ye. ³ Kola ongoma bakuwi bafi bafi la batoolo ba baito bakatowana ta ebanda lo bokota bokumo kaisala; ⁴ la bakatika ye likolo mbo bakandje yesu, la okela mbo baite ye. ⁵ la bakabeka mbo: yeimbaka mbile elinengina, loka yeimbaka anga la bowa aiteni ibaito. ⁶ Ani embaka yesu ta betaniya ta mbile eya Simona buto a baendi, ⁷ botaali bomoi bokasusama tiina linde, aundi saani, embe la liesa li malasi etokela bo likama, la ta mbile embe ye likolo limesa, akauta malasi likolo libochwe. ⁸ baeki, baka ena Ongoma, bakabeka: Loka loni bolo otobebisa? ⁹ Ikaenganka mbo malasi ene echambichomo la baito baiti la leka. ¹⁰ yesu akaumbakelisa bo ooto, akabeka libo: Loka loingi ofaya botaali ono etumbo? aokela lobeko lomoi lolo lolo la baiso bange; ¹¹ Loka ombei la baitobaiti la leka aiteni ono, enu. ¹² Akkauta malasi ta bindo biyange, akele loka lokanda eya mungu aiteni yange. ¹³ Tobeka lino we'we', esike lototina leke mboli ilo iya mungu itonangolomo, ta wenda bototina, batobeka loka ta weli bo wana botaali tayeke ikalaka ye. ¹⁴ Kolangoma ta liou la baele, akata Yuda mokeli ota, akaka ta bakanga balitina, ¹⁵ Lababeka: olangi ofaye ingi? la lofaye ye lino? la bakalipa ye bieto oengana biengo tuku isaso. ¹⁶ kola mbele amo, akaluka ndole emoi eloelo loka loofaya bo yesu. ¹⁷ lisiyo lifelofelo bokati ndoena elambo, baeki bakabeka la yesu: endei ndjo osami mbo tolambe bieka bi liyeti? ¹⁸ Akamutola: kakai ta boki bofi ambe ono amoi, la enu kobekai linde: boekesi aobeka mbo: mbile inde eomba tiina; tokele abowe kimia e lieti la baeki bange. ¹⁹ Baeki bakakela ani yesu abekelaka bo, la bakachunga Pasika. ²⁰ La likolase oya, akala libo ta mesa la baeki liou la baele. ²¹ Ta mbile etola bo, akabeka: Lotobeka lino wewe, amoi aiteni ino aochambichei. ²² Bawalaka fuu la ngandi, la buto la buto akabeka: Imbe ndjo ei, Ngene? ²³ Akasanoela: Ono akata lange boo eseke lomoi la saani, ye atochambichei. ²⁴ Wana a Buto akaka, oenganisa ani isonomoko loka linde. Kola ongoma ngandi la bolome we akakela ani mbo Wana a Buto achambichomo loka linde! Ani botolome ono abotomu ase anga. ²⁵ Yuda, ndjo akaungisa Yesu, akaosa baoi akabeka: Imbei, Labi? Yesu akasanoela ye: O'osila obeka. ²⁶ Mbile elaka bo, Yesu akasomboela bokati; la, mbisa iyonoisa ngbengbele, akabuna, la akafoya baeki binde, la obeka mbo: Osakai, lakai, yeke imbe bindo biange. ²⁷ La mbisa akaosa ekende; la, mbisa iyonoisa ngbengbele, akafaya bo, la akabeka: Mwakai yo itotina; ²⁸ loka mbo yeke imbe ndjo ngelo yange, ngelo ii liokani, ye ikauwomo la baito babule, loka lomesila bobe wibo. ²⁹ Lotobeka lino, loimbo ale lisiya chwe touma to vinyo, kota lisiyo lie lombomwaka lisiya lino ta bokota boya Ise ange. ³⁰ Mbisa iochwa beele, bakaaka ta longo lo Oviye. ³¹ Ongoma Yesu akabeka libo: Lotombaloka lino atotina, lotiyo lamo, fofe emoi ekaenena; ta mbo isonomu: Lotouma bachungi la bana batomelana. ³² Kola ongoma, ta mbile embofufukei, lotoka felo ino ta Galilaya. ³³ Petelo, akabeka linde: Ta eni saa etombowe la ndole, oimbotika leka anga lomoi loka lange. ³⁴ Yesu akabeka linde: Lotobeka lao wewe, ta lotiyo le, felo mbo koko ebeke, otoanganyei mala isaso. ³⁵ Petelo akasanoela ye: Lotongba lao eseke lomoi, loimbo-anganyo'we, la baeki batotina bakabeka lioiko limoi. ³⁶ Ongoma, Yesu akaka lobo ta eseke lomoi lotomu mbo Getesemani, la akabeka la baeki: Ngalakai se eke, ta mbile etombe esika lino loka losembole. ³⁷ Akasombola libo lisomboli bana baele baya Sebedeya, la akaokela obeka loka lo ngandi la baenyeli. ³⁸ Akabeka libo: Liwawi liange limbe la ngandi kota lingba; tikalakai eke, la ngalakai lange. ³⁹ La, mbile ekaka ye la felo, akakusama felo ii bombo winde, la akasembola ani: Ise ange, ikafoengana, foyelekei ene kobo tina lange! Yeiti yeke lolangi, ndjo yeke olangi. ⁴⁰ La ekabeka te ete embe baeki, akaosela bo bambe ta toolo, la akabeka la Petelo mbo: Enu oisemboli anga saa emoi lange! ⁴¹ Ndokpai toolo la sembolakai: Loka oikusamakai ta likotomu; bolimo ambe la yeme, ndjo bindo ambe la bolelamu. ⁴² Akafowa ma ee baele, la aksembola mbo: Yomba mbo ene kobo eitofowa ambei ani loitakamwa, tikaka lisangi liao likelomoko. ⁴³ Akaya lisiya, la akaosha bo bambe ta toolo, ani baiso bibo bakambaka la ilo. ⁴⁴ Akatika bo la akaaka, akasembola mala eyasaso, la akabinoela ko baoi bamo beke abekaka. ⁴⁵ La mbisa, akaka elo embe baeki la akabeka libo mbo: Okombe ko ta toolo? Ofofeumai amboko? Tene, mbile efoengana, ene batoana Wana a Buto ta bao ba baito ba bobe. ⁴⁶ Emalakai, tokei! Tene, ono atoanei aoya. ⁴⁷ Ye osila anga obeka, tene Yudasai amoi ta ba liou la baele akaya la linginda libaito eseke lomoi linde la kembe, la tosandu batofowa ambe bekota befi la bekumi. ⁴⁸ Boani akasila owa bo ndembe mbo ono lotoloma likeka, ye oko; undakaiye. ⁴⁹ Kotambile amo, akaka tina la Yesu, akabeka mbo; Labi, la akalomaye likeka. ⁵⁰ Yesu akabeka linde mbo; ngani ange, yeke okaya oyawa, ambei waka yo ndjo baito binde bakaka tina, la bakaundaye, la bakata boo ambe Yesu. ⁵¹ La tene, amoi ono ambaka la Yesu akaila boo, la akatomoisa ambote inde, akakutcha bokowa bo bokota bofi la akatenaye litoyi. ⁵² Ndjo Yesu akabeka linde mbo; binoisaka ambote ta eseke linde, loka baito batotina batounda kembe, batongba amboko la kembe. ⁵³ Oiluwi kembo loengani obekela Ise ange, ye kofei kanikani bikende liou la biele bi bakito? ⁵⁴ Eni kanda tosiyo, to engani oenganisomo yomba mbo yeikelomu ani? ⁵⁵ Tambile amo, Yesu akabeka la linginda mbo: oyai, kee mbisa ii buto a wiba, la kembe, la tokpondo, lo loundei. Lokambaka lino basiyo batotina, lotoekisa ta Tepelo, la oikaundeyi. ⁵⁶ Ndjo itotinayo yokoma loka

loenganisa tosiyo to betondoli. Baeki batotina baka tikaye, la bakaaka mangu.⁵⁷ Beke baundaka Yesu, bakaaka linde ambe bokota bofi boko Kayafe, oko esondjamanaka ba soni ba bikela la bekumi.⁵⁸ Petelo akatutaye la esika kota likula li bokota bofi, akaota la akangalase eseke lomoi la bekowa, loka loena ani etosila lobeko lamo.⁵⁹ Bekota befi la baesi ba beimo bakalinga babeke bobo loka loya Yesu, loka amboko baite ye.⁶⁰ Ndjo baikaosha ango, imbe ende ani babekaka mbeko ibe ii lolanga ta liko, baele, bakaya oya beka mbo:⁶¹ Ono abekaka mbo: Loengani obuna tepelo eya Mungu, la lotoshwa amo mbisa ii basiyo basaso.⁶² Bokota bofi akaemala la akabeka linde: Oitomotola leka ango lomoi? Loni leka baito bee batositaka lao?⁶³ Yesu akangala haii. La bokota bofi, akabeka linde mbo: Lo'olapelo'we, ta ambe Mungu a liwawi, obeise'su lamba ombe Kilisito, Wana aya Mungu.⁶⁴ Yesu akabinoisela ye mbo: O'osila obeka. Lotobeka lino lisiya, mbo: Otoenai kanikani Wana a buto ongala se ta boo bolome bo'ofoka boya Mungu, la ta lobola.⁶⁵ Bokota bofi akafaa tulu inde, bakabeka mbo aomola! Loka loingi esu koengana omba la yeme ii babeki? Tene ofookai limoli linde.⁶⁶ O'obekai ase ingi? Bakabinoisela ye mbo: aengani la lingba.⁶⁷ La mbisa ionga, bakatchwela ye soi ta bombo, bakakutcha ye la ani batobeka mbo: 68 Kilisito, tondolaka, beiseke'su ndai akakuchowe?⁶⁹ Ta mbile elo, Petelo ambaka lousa lo likula angali se. Bokowa amoi botaali akaushushama tina linde, la akabeka: Owe, aleko, ombaka la Yesu a Galilai?⁷⁰ Aka'anganya felo ii batotina, akabekambo: loitoluwa ango yokoilangi obeko we.⁷¹ Eko ekaka ye ta boinda, bokowa bosiya botaali akaena ye, la akabeka la beke bambaka onga ani: Ono ambaka aleko la Yesu a Nasaleta.⁷² Aka'anganya ye lisiya, la akalapa mbo: Loiluwi oko buto.⁷³ Mbisa iniyo, beke bambaka onga bakaya tina, bakabeka la Petelo: Wewe ombe eleko buto ibo, loka bobekeli wao bototuta keeoluwi bo. 74 Kola ongoma ambaka atokela kee loanganyo la akapa mbo: Leiluwi ono buto. La mangu koko ekata lokokoloko.⁷⁵ Petelo akaenyela baoi bee Yesu abekaka linde mbo: Felo ii koko ota lokokoloko, otoanganyei mala isaso. La oyatomowa, alelaka bileli bi ngandi.

Chapter 27

¹ Tambile ekaya nongo, bekota betotina bekangala bekumi be baito bakawa ikumbe loka Yesu, loka baite'ye. ² Mbisa iyokandaye, bakaka linde, la bakafaye ambe Pilato bokota bofi. ³ Ndjo, Yudas, ono aungisakaye, akaena mbo aokela bobbe, akakikola botema, akabinoisa bieto tuku isaso ibingbendele ambe bekota befi la bekumi beboki, ⁴ Yembo: lowa bobbe, loka lowana ngeloye yeiti la lobeko. Bakabinoiselaye mbo: yamo imbe ingi loka liso? imoili owe angene. ⁵ Yudas akakusa bingbendele aiteni e Tepelo, akafowa onga, la akaka okakanda boliki tangingo akakakema likolo lisandu. ⁶ Bekota befi bakaosa bieto, bakabeka mbo: yei'yengani kembo toteyo aiteni eitchunga ilifaefi, loka imbe imbe bieto ingelo. ⁷ Bakaokamana labakasomba yola'elanga lo bokeli bo bibengu loka loselia beenda elo. ⁸ Ndjo, kota'aboni elanga lamo lokatomo mbo: " elanga longelo." ⁹ Ndjo lobeko lobotondoli Yilimiya atondolaka likaenganisomo mbo, bakaosa bieto tuku isaso iibingbendele, litina lia onokali kotomo litina libana ba Isalaele, ¹⁰ Labakafayo ta elanga lo bokeli bobibengu, ani ebeisaka ngene obeisei. ¹¹ Yesu akaemala felo ii Ngene a Wenda, la Ngene a Wenda akaiyolaye mbo: ombe Bokota bo Bayuda? Yesu akabinoiselaye mbo: osila obeka. ¹² Oko esitomokoye ambe Bokota befi la bakumi ba boki, aika mutolelabo anga lioi. ¹³ Ndjo Pilato akabeka linde mbo: oitooka mbeko likama yeke bakasitaka lao? ¹⁴ LaYesu aikabinoiselaye lioi anga lomoi, lamba ta lobeko anga lomoi, kolaongoma, Ngene awenda akamwala fafo. ¹⁵ Tambile eliyeti, Ngene awenda ambaka atofa la Linginda libaito bokandomu amoi ani embaka asili ibo. ¹⁶ Bambaka la bokandomu amoi ono aluwanaka likama ono atomoko mbo Balaba. ¹⁷ Mbile embaka bo eseke lomoi, Pilato akabeka libo mbo: Olangi mbo lofenu ndai, Balaba, lamba Yesu ono akatomo Kilisito? ¹⁸ Loka aluwaka mbo baungise anga ye loka loka lo liiya. ¹⁹ Ta mbile engalaka ye se ta kiti inde eosambisa, boali inde akatomela ye lioi mbo, oikelaka lobeko lo buto amo la liyengani loka loene bomusi laboni likama ta saki loka linde. ²⁰ Bekota befi la bakumi ba baito bakaimilisa linginda mbo balengile Balaba loka mbo baite Yesu. ²¹ Ngene a wenda akabeka libo lisiya mbo: Ndai ta beke baele olangii mbo lofenu? Bakabeka mbo: Balaba! ²² Pilato akabeka libo mbo: Lokele ingi loka loya Yesu ono akatomo mbo Kilisito? Batotina bakabeka mbo: Aitomoko ta lieka! ²³ Pilato akabeka libo mbo boni bobbe bokawa ye? Ndjo bakamama likama mbo aitomoko anga ta lieka! ²⁴ E'enaka Pilato mbo aikalonga bo, la libuya lifoakola oya, akaosa baye, akasoola bao felo ii linginda li baito likama, ye mbo: Ei loiti la lobeko likolo lingelo ii buto ono. Imoileli enu angene. ²⁵ La baito batotina bakabinoisa mbo: Tikaka ngelo inde imbe likolo liso la bana biso! ²⁶ Ndjo Pilato akatomoisela bo Balaba la akauma Yesu fimbo, la akakesa ye mbo aitomo ta lieka. ²⁷ Basilikani baya bokota bo wenda bakaya la Yesu aiteni ii likulali basilikani la bakasela linginda lifi li basilikani se felo inde. ²⁸ Bakafoya ye tulu la bakaufa ye la tulu enenu. ²⁹ Bakakela ngundu ee biengenge bakata bio likolo li bochwewinde la bokombe bomoi ta boo winde bolome, bakasuluwa la baluwi se felo inde, loka lo'osetcha ye mbo: Kalibo Bokota bo Bayuda! ³⁰ Bakatchwela ye soii, bakaosa bokombe la bakauma ye ta botchwe. ³¹ Mbisa iyosetcha ye, bakabatisa ye tulu inde la bakaka okatika ye ta lieka. ³² Ekatomowaka bo, bakatoamana la botolome amoi buto a Kulene, la lina mbo Simona, bakatolisa ye la bofoka lieka liya Yesu. ³³ Ekomaka bo ta eseke lokatomo mbo Gologota, ilangi obeka mbo Eseke lo Touwa, ³⁴ bakafa ye vinyo imbe la likase, aikalanga omwa. ³⁵ Mbisa iyotaliya ye ta lieka, bakaana tulu inde la lokuso bikende bii tosandu tan nyele, loka loenganisa yeke inangolomoko la botondoli mbo: Baka'anana tulu yange, la bakatchakola kandjo ange. ³⁶ Kola ongoma bakangala se la bakamoila ye. ³⁷ Bakata lisitokomu likolo li botchwe winde yeke isonomoko mbo: Ono ambe Yesu, Bokota bo Bayuda. ³⁸ Akaitomo la biba bielele, amoi ta boo bolome onomoi ta boo boali. ³⁹ Baeti la ndole bakamola ye, la bakabilimisa botchwe, ⁴⁰ batobeka mbo: Owe ono otobuna tepelo, la otoshwa amo ta basiyo basaso, uwisaka owe angene! Yomba mbo ombe Wana aya Mungu, suluwaka ta lieka. ⁴¹ Bekota befi be kanga la basoni ba bikela la bekumi, bakasetcha aleko ye, la bakabeka: ⁴² Afouwisa basiya, la aiyengani ouwisa engene! Yomba mbo ambe Bokota bo Isalaele, asuluweke ta lieka, la totoimila ye. ⁴³ Atomoilela Mungu; Mungu auwiseke ye kanikani yomba mbo asami ye. Loka abeke mbo: Lombe Wana aya Mungu. ⁴⁴ La biba beke batomoko linde eseke lomoi, bakamola aleko ye. ⁴⁵ Ta mbile ee liambe, lilima likaufa likolo la wenda bototina. ⁴⁶ La ta mbile ee libwa, Yesu akamama la limiki li likama: Eli, Eli, lama sabakatani? Ilangi obeka mbo: Mungu ange, Mungu ange, loka loingi otikei? ⁴⁷ Basiya beke bambaka onga bakaoka ye, bakabeka mbo: Atota Eliya. ⁴⁸ Mangu mangu, amoi ibo akaka mangu, akaosa linuka, akawalisa la baye bangai, akata likolo li bokombe, akafa ye mbo amwe. ⁴⁹ Basiya bakabeka mbo: Toene koni lamba Eliya atoya oyauwisa ye. ⁵⁰ Yesu akamama lisiya la limiki lifi, la akatika lofeumo. ⁵¹ La tene, tulu ee tepelo ekafaama la bikende bielele ko'se ko' likolo, wenda bokabilima, batale bekafakama, ⁵² mbila ikalikolomo, bindo likama bi batanu beke bangbaka bakafufuka. ⁵³ Efowaka bo ta mbila, mbisa ii lifufukomu liya Yesu, bakaota ta boki botanu la bakaenena la likama li baito. ⁵⁴ Bokota bo basola miya emoi la beke bambaka linde loka lomoila Yesu, akaena lobilimo lo wenda, la ye ikomaka, bakamba la bowa, la bakabeka mbo: Wewe, Buto ono ambe Wana aya Mungu. ⁵⁵ Imbaka onga la bataali likama batomoila la esika; bakendaka la Yesu kota Galilaya, loka lokuwela ye. ⁵⁶ Aiteni ibo imbaka Maliya a

Magadala, Maliya, inango aya Yakobo, la Yosefu, la inango a bana baya Sebedai. ⁵⁷ Ta mbile ekaya nongo, botolome amoi buto a lifoka bo boki boko Alimatayo, akumo Yosefu, ono ambaka aleko boeki boya Yesu. ⁵⁸ Akaaka ambe Pilato, loka lolengila bindo biya Yesu. Pilato akaesa ishoshha mbo bafe linde ye. ⁵⁹ Yosefu akaosa bindo, akalingila ye la tulu efufu, ⁶⁰ akata mbila iyai, yeke iufomoko la litale. La akatchindja litale lifi ta bootelo bo mbila, la akaaka. ⁶¹ Maliya a Magadala la Maliya onomoi bambaka onga, bangalise tina tina la mbila. ⁶² Ta lisiyo li mbisa, mbisa ii lisiyo li likomi, bekota befi la Bafalisai bakaka eseke lomoi ambe Pilato, ⁶³ bakabeka mbo: Ngene, totoenyela ani ebekaka ono buto a lolanga, oko embaka ye la liwawi, atobeka mbo: Lombofufukaka mbisa ii basiyo basaso. ⁶⁴ Tikaka mbo mbila imoilomo la weli, loka baeki binde baiyaka oyabaye lotiyo, loka babeke la baito mbo aofufuka ta bangbei: Kola ongoma, lolanga lo mbisa lotoeta leke lo felo. ⁶⁵ Pilata akabeka libo mbo: Ombei la bomoili, kakai, moilakai ani elangi enu. ⁶⁶ Bakaka, la bakamoila la weli mbila, mbisa iyoufa litale.

Chapter 28

¹ Mbisa ii lisiyo li Yenga ta liako li felo ta posho, Maliya a Mangandala la Maliya onomoi bakaka okamoila losaii. ² Tene, ikambaka la lotuko lo nyele; loka bokitomo bomoi boya Mungu bokasuluwaka ofowa ta lobola, akakikoisa litale, la akangaela likolo. ³ Bofo'ono winde bokambaka kee ikali'kali, la tulu inde efufu kee litumba. ⁴ Bakuki bakabilima la libangi, la bakamba kee beliyo. ⁵ Bokitomo bokaosa baoi, la akabeka la bataali: Loka lino, oibangakai; loka loluwi mbo otolukai Yesu ono akangbaka ta lieka. ⁶ Aiti ale eke; aosila ofufuka, ani abekaka ye. Yokoi, enakai eseke leke lokambaka ye, ⁷ la ka'akai okabeisa baeki binde mbo aofufuka katikti ii bangbei. La tene, aoka felo ino ta Galilaya: Elo ndjo otoenai ye. Tene lobeise'nu. ⁸ Bakaka esika la losai, la libangi la likama li liomali, la bakaka mangu okabeisa la baeki. ⁹ Tene, Yesu akaka ta litowani libo, la akabeka: Lo'ofenu kalibo. Bakasusama loka lo'ounda ye bakolo binde, la bakauma baluwi se felo inde. ¹⁰ Ngoko Yesu akabeka libo: oibangakai; kabeisekei bofindi wange bake ta Galilaya: Elo ndjo etoena bo εει. ¹¹ Mbile ekambaka bo ta ndole, baito bamoi ta bakuki bakaota ta boki bofi, la bakasemowa ta bangbatele ndjaso itotina yeke ikambaka. ¹² Yeke, mbisa iotowana la bekumi la lo'osho beimo, bakafa basilikani likama li bieto, ¹³ bakabeka: Bekakai; baeki binde bakayaka lotiyo oyaiba ye, mbisa ekambeke'su ta τολ. ¹⁴ La bokota bofi bo wenda akaoluwa, totolombokola ye, la totfoyenu ta lobeko. ¹⁵ Basilikani bakaosa bieto, la bakatuta liekisomu lifomoko bo. La iyeli yamo ikamelana katikati ii Bayufa, kota la boni. ¹⁶ Baeki liou la amoi bakaka ta Galilaya, ta longo leke lokaluisaka Yesu bo. ¹⁷ Mbile ekaenaka ye bo ye, bakauma baluwi se felo inde. Bamoi bakamba la fieε. ¹⁸ Yesu, akasusama, akabeka libo ani: Bofoko bototina bo'ofomo lange likolo la nyele. ¹⁹ Kakai, komisakai baeki ta wenda bototina, lufiakai bo ta lina liya Afa, la Wana, la Bolimo Botanu, ²⁰ Ekisakai bo bakotche itotina yeke ikaoekisomo enu. Tene, lombe lino basiyo batotina, kota losilo lo wenda.